



金石存卷六

淮安吳玉搢纂

聞妙香室校本

隸存一

漢泰室石闕銘

元初五季

中嶽泰室陽城□□□

右九字刻于闕之北面上
一層今僅存六字餘三字
不可辨若額狀字陽鑄

曰惟中

□□□崇高神君蒙

原書
譌家

□□□□□最純春

生□□

□才起雲潤施源涑

□□□宣竝天四海莫不

□恩

補字

聖朝肅敬帑庶所尊齋

補字

誠奉祀戰慄盡懃以

頌功德

刻石紀文

□顯□異

以

補二字

傳後賢元初五季

四月陽城□長左馮翊萬年呂營案著錄家姑作常字以營為誤今審石本

是營非常始造作此石闕時□□□□□穎川太守京地杜陵

二字補朱□丞夏□陵□□監□府□□□□□丞河

東臨□□□□□臨補字□張嘉二字□□□□□史原書

吏譌□陵□□鄉三□巖壽□□□□□佐石副垂補字崇高

字補亭長蘇重時監少陽翟補字□陵亭部陽陵格王□功

□□卿王文□潘原書譌璠□□□□□之共□□□□□

□陽□□□案銘每行九字此行原書佚脫今補君□□□□□陽案石本此字漫

患狀諦審筆迹不類陽字□□□□□人帶原書譌馬□□□□□人諸

原書譌者□□□□□少下缺

右漢泰室石闕銘元初五季四月建在今登封縣東

八里共存二十七行案當是二銘八行季月及職官

姓名十九行剝落者半即其存者亦晦昧難辨金石

文字記謂季月職官姓名止十三行者自卿王文以

前存字尚多故拓本有可攷見後六行止存十字工

人往往棄不椎拓故見之者少也沈州牛階平用邵

陽楮峻所拓嵩山三石闕本縮為圖文字畫象盡依

原式刻之高下尺寸纖悉俱備視亭林南原所得勝

多多矣

漢開母廟石闕季度銘無季月案當作堂谿典請雨

□□□□□□□□□□□□□□□□□□□□□□

時□又官中郎將隰陵堂谿典□□熹平四季來請雨

崇高廟

案以上九行行五字原書

典

原書

大君諱協字季

度□□郡主薄佗□銘文後舉孝廉西鄂長早

原書

叙曰於惟我君明允廣淵學兼游夏德配臧文歿而不

巧實有立言其言惟何

下

右漢開母廟石闕季度銘闕銘上下凡三層上二層

篆書文字聯貫下一層隸書別敘季度事共存十二

行行五字前後疑更有字今石損不復可見季度名

協不知其姓按文義當是言季度初為郡主薄作此

銘文後舉孝廉以西鄂長終末作四言韻語以贊之

諸錄開母廟石闕銘者皆未嘗及此字王箬林先生

于雍正九年得邵陽人褚峻新拓三石闕銘自詫比

亭林所得為富乃少室東闕開母季度均未之見則

又何也又據牛君謂開母廟亦有兩闕其東闕無字

故弗圖是嵩山固有五闕矣前人僅傳其三是雖親

至其地者亦見之不審況余在數千里外又烏知其

所遺扁不更多乎 牛氏釋西鄂長作西郢長按後

漢書郡國志南陽郡有西鄂縣而它郡別無西郢碑

字雖破損狀細視亦是鄂字作郢者誤

案續漢書靈帝本紀熹平五年復崇高山為高高

山章懷太子賢注前書武帝祠中嶽改高高為崇

高東觀記曰使中郎將堂谿典請雨因上言改之

名為嵩高山據此改名在五年而請雨蓋在四年

故銘尚稱崇高不稱高高也延篤傳云篤少從潁川唐谿典受左氏傳注云典字季度爲西鄂長今銘云字季度又云舉孝廉西鄂長是與史合唯堂作唐爲異注又云唐與堂同堂谿複姓前漢有堂谿惠潁川人受公羊春秋于貢禹見漢書儒林傳而典治左氏學亦潁川人當與惠一系蔡邕傳注季度作子度子必季之譌也从碑爲正

漢少室東闕題名

無季月

□孟李陽梃仲潘除鄭孟梃盛潘陽□文令常□□□
重令容

右漢少室東闕題名凡四行行六字可識者一十九

字少室有兩石闕東西峙西闕三面皆有字卽余前所得□菽林芝縣日月而者是也東闕太西闕五六步上層畫一犬逐兔次層畫一人左手牽一獸似馬而首有一角右手持鉤鉤象首再次一層前一石刻此字土人呼爲東闕題名金石文字記及嵩陽石刻集記止載嵩山有三石闕從無人言及少室有二闕者牛階平云見而表之者爲洛陽董金甌相函金甌好古士善篆隸董君吾不知何如人亭林井叔皆親在闕下有事摹拓縱殘字未及周視豈并此闕亦未見也耶

漢北海相景君碑

漢安二季

漢故益州太守北海相景君銘 篆額

惟漢安二丰仲秋□□故北海相任城景府君卒歆歆
哀哉國□□寶英彦失疇列宿虧精晚學後時于何穹
倉布命授期有生有死天寔為之豈夫仁拮收剋不遺
於是故吏諸生相與論曰上世羣后莫不流光□於無
窮垂芬耀於書篇身歿而行明體亡而名存或著形像
於列圖或敷頌於管弤後來訕其烈竹帛叙其勲乃作
誄曰伏惟

明府受質自天孝弟淵懿帥禮蹈仁相道極藝抱淑由
真晶白清方剋已治身寔深寔剛乃武乃文遵芹孝謁
假階司農流惠元城興利惠民強荷改節徹弱蒙恩威

立澤宣化行如神帝嘉厥功授曰符命用郡益州路遐

學親躬任遜讓夙宵朝廷建英忠讜辨秩東行壘追嘉

錫據案此下碑
穿空二字北海相部城十九耜耜歸向分明好恩

先曰敬讓殘偽易心輕黠踰竟鴉梟不鳴案此下碑
穿空二字分

子還養元鰥寡蒙祐曰寧蓄道循惠曰祉曰榮紛紛令

儀明府體之仁義道術案此下碑
穿空二字明府膺之黃朱邵父

明府三之台輔之任明府宜之曰病被徵委位致仕民

□思慕遠近搔首農夫驛禾商人空市隨舉飲淚奈何

朝廷奪我慈父去官未旬病乃困危珪璧之質臨卒不

回歆□賈絕奄忽不□孝子愷悝顛倒剝摧遂不剋寤

永潛長歸州里鄉黨隕涕痲哀故吏物怛歆歆倨何四

海寇蓋驚懼傷喪大命□期寔惟天授明主設位明府
不就臣子欲養明府弗留歎歎哀哉

爾曰孝積幽窆□□□兮□□□□□翔議郎兮再命扁

將綏元兮規英槩謨主忠信兮羽原書衛藩屏撫萬民

兮□□□□思彌盛兮宜參鼎輔堅榦楨兮不永麋壽

真臣子兮仁敷海外著甘棠兮□石勒銘□不亡兮

右漢北海相景君碑篆額二行今在濟寧州儒學歐

陽公作集古錄時已云漫漶多不成文今又太公五

六百季其殘缺抑又甚矣朕細加看詳尚亦可讀其

不可識者數十字耳王元美曰益州部當言刺史不

當言太守額曰銘詞曰誄亦屬未妥余按漢人碑版

多不可曉如孔彪已自博陵太守遷河東太守而碑

額尚題漢故博陵太守孔君碑魯峻自司隸校尉遭

母憂服竟拜屯騎校尉而碑額亦題漢故司隸校尉

校官碑前有誄曰後又有敘曰與此碑額曰銘詞曰

誄皆莫詳其故不知潘昂霄金石例于此云何也

案此碑據今拓本止缺二十餘字歐陽公云漫滅

多不成文殊不可曉益州郡名武帝二年置碑云

守郡益州則景君嘗為益州郡守無疑元美不攷

反以額題太守為非謬甚

碑陰

故中部督却都昌羽忠字定公

故門下督盜賊劄騰頌字猗遠

故門下議史平昌蔡規字中舉

故門下書佐營陵孫榮字並榮

故門下書佐淳于逢訢字〇成

故騎吏劄替麟字敬石

故吏朱壺孫徵字武達

故吏營陵薛逸字佰踰

故吏營陵慶鴻字中〇

故吏都昌呂福字孟〇

故吏都昌張暘字元暘

故書佐都昌羽質字孟儻

故書佐朱壺鞠欣字君大

故書佐平壽淳于闔字久宗

故書佐營陵涂曾字曾莘

故書佐都昌張彤字翔甫

故書佐淳于孫悝字元卓

故書佐營陵鍾顯字槐寶

以上弟一列

行義劄張敏原書譌放字公輔

故書佐劄乘禹字佰度

故書佐東安平閻原書譌閻廣字廣宗

故書佐劄紀政字並堅

故書佐淳于孫晄字威光

故循行都昌台正暹字丑德

故循行都昌董方字季方

故循行管陵留芥字漢興

故循行都昌翼選字漢久

故循行管陵是盛字護宗

故循行管陵口暹字武平

故循行管陵臨照字景耀

故循行都昌張駿字臺卿

故循行管陵淳于豈字豈成

故循行管陵顏理字中理

故循行管陵水正邵字君石

故循行都昌呂興字丑興

故循行都昌逢進字丑安

以上弟二列

故書佐劄徐德字漢昌

故書佐劄姚進字元豪

故書佐劄邴鍾字元鍾

故書佐都昌張翼字元翼

故循行都昌張眈字季遠

故循行劄中香字季遠

故循行平壽徐允字佰允

故循行淳于趙尚字上卿

故循行都昌段音字並節

故循行都昌齊晏字本子

故午營陵是遷字並達

故午營陵留敬字元成

故午淳于董純字元祖原書譌祖

故午營陵縛良字並騰

故午朱壺炅詩字孟道

故午都昌台正遷字孟堅

故小史都昌齊冰字文達

故小史都昌張亮字元亮

以上第三列

行三丰服者

凡八十七人原書七譌二今據石本正後同

以上第四列案原書誤入弟三列今正

豎建帟□惟故臣吏慎終追遠諒闇沈思守衛墳園□

細禮備陵成字立樹列既就聖典有制三載□□當離

墓側永懷□□□不□勝召義割志乃著遺辭召明厥

意魂靈瑕顯降垂嘉祐

右漢北海相景君碑陰凡三列案當作四列共五十四人

後有韻語一十八句中一行云案是末列首二行行三季服

者八十七人聖人制禮過不及皆非所宜三季之喪

唯父母用之下此以漸而殺無設柩焉顧漢人制服多有相反者元初開始聽大臣及二千石行三季喪至建光元季復禁不許肅宗時越騎校尉桓郁以母憂乞身詔公卿議皆以郁身為名儒學者之宗可許之詔聽以侍中行服後其子焉為太子太傅以母憂自乞聽以大夫行喪是三季之喪固不得盡人行之矣而繁陽令楊君則以叔父薨太官荊州刺史度尚以從父憂太官邵陽令曹全以同產弟憂太官則又何也且憂可異者三季之喪在位卿大夫不得致之于親而故吏故民又往往用之于其長如此碑云行三季服者八十七人費鳳之故吏感忠縗麻扶杖魏

元丕之故吏嚴較等不遠萬里斷制縗裳高頤之臣吏黎庶縗經墳側其越禮過情有如此者雖云漢世近古風俗猶厚朕不達于聖人之道矣

漢魯相置孔廟卒史碑

元興元季

司徒臣確司空臣弑稽首言魯前相瑛書言詔書崇聖道勉六藝孔子作春秋制孝經□□五經演易繫彛經緯天地幽讚神明故特立廟袞成侯四時來祠事已即去廟有禮器無常人掌領請置百石卒史一人典主守廟春秋饗禮財出王家錢給大酒豆湏報謹問大常祠曹掾馮牟史郭園彛對故事辟靡禮未行祠先聖師侍祠者孔子子孫大宰大祝令各一人皆備爵大常丞臨

祠河南尹給牛羊豕雞□□各一大司農給米祠臣愚
以為如璜言孔子大聖則象乾以為漢制作先世所尊
祠用衆牲長吏備□□欲加寵子孫敬恭明祀傳于罔
極可許臣請魯相為孔子廟置百石卒史一人掌領禮
器出王家錢給犬酒直他如故事臣惟臣忒愚慙誠惶
誠恐頓首頓首死罪死罪臣稽首以聞

制曰可

此行石
本出格

元嘉三年三月廿七日壬寅奏雒陽宮

司徒公河南□□□字季高

司空公蜀郡成都□□字意伯

元嘉三年三月丙子朔廿七日壬寅司徒雒司空忒下

魯相承書從事下當用者選其丰卅以上經通一藝雜
試通利能奉罔先聖之禮為宗所歸者如詔書書到言
永興元年六月甲辰朔十八日辛酉魯相平行長史事
下守長擅叩頭死罪敢言之

司徒司空府壬寅詔書為孔子廟置百石卒史一人掌
主禮器選丰卅以上經通一藝雜試能奉罔先聖之禮
為宗所歸者平叩頭叩頭死罪死罪謹案文書守文學
掾魯孔龢師孔憲戶曹史孔覽茅雜試龢滄春秋嚴氏
經通高第事親至孝能奉先聖之禮為宗所歸除龢補
名狀如牒平惶恐叩頭死罪死罪上
司空府

讚曰魏魏大聖赫赫彌章相也璜字少卿平原高唐人
令鮑疊字文公上黨屯留人政敦稽古若重規也君
察舉守宅除吏孔子十九世孫麟廉請置百石卒史一
人鮑君造作百石吏舍功垂无窮於是始也

右漢魯相置孔廟卒史碑文字完好詞理簡暢尤漢
碑中之不易得者闕里志及山東通志并載此碑前
後無一缺字五經上是刪述二字備下是壽今二字
規下是矩字雞下二字并末句四字皆削去不存恐
是以臆見增減非有所據也 百石卒史字碑凡四
見皆明白無誤朱竹垞曰按漢書儒林傳郡國置五
經百石卒史臣瓚以為卒史秩百石者劉昭注續漢

書百官志引應劭漢官儀河南尹百石卒史二百五
十人黃霸傳補左馮翊二百石卒史蓋秩有不同故
舉石之多寡別之今本杜佑通典乃譌為百石吏卒
余按三國志譌與通典同水經注譌為百夫吏卒山
東通志闕里志譌為百石卒史皆莫之正康熙甲子

聖祖仁皇帝幸闕里謁廟畢首問漢碑所在
時孔東唐尚任以明經為講書官引

文閣至同文門觀門右漢碑尚任奏曰此漢元嘉三
季魯相乙瑛置卒史碑今謂之百石碑

何為百石碑尚任對曰歷代優崇之典廟廷設官四
員典籍以掌禮儀司樂以典樂舞管句以掌屯田百

戶以衛林廟謂之禮樂兵農四司觀此知魯人亦譌
以爲百戶也豈歎書籍傳寫之謬哉

漢孔德讓碣

永興二季

孔□字德讓者宣尼公廿世孫鬪尉君之子也秀體蘭
石自然之姿長膺清眇孝友之行禮述家業循馨秋經
升堂講誦深究聖拾弱冠而仕歷罷諸曹史季廿四永
興二季七月遭疾不祿

右漢孔德讓碣其名久已磨滅洪丞相攷孔氏譜知
其名謙蓋宙之子而衰與融之兄弟行也因其早卒
名位不著故無可書隸續碑圖云碣甚小一穿微偏
有暈一重起于穿中復有兩暈在右其一甚短與它

碑小異文八行行十字後餘兩行

漢魯相韓勅孔子廟碑

永壽二季

惟永壽二丰青龍在涖歎霜月之靈皇極之日魯相河
南京韓君追惟大古華胥生皇雄顏□育□寶俱制元
道百王不改孔子近聖為漢定道自天王以下至于初
學莫不驢思嘆仰師鏡顏氏聖明家居魯親里并官聖
妃左安樂里聖族之親禮所宜異復顏氏并官氏邑中
繇發以尊孔心念聖歷世禮樂陵遲秦項佗亂不尊圖
書倍道畔德離敗聖輿食糧亡于沙丘君於是造立禮
器樂之音符鍾磬瑟鼓雷洗觴觚爵鹿祖桓遵柶禁壺
循飾宅廟更佗二輿朝車威熹宣扞園汙以注水泝法

舊不煩備而不奢上合紫臺稽之中和下合聖制事得禮儀於是四方土仁聞君風耀敬咏其德尊琦大人之意連殫之思乃共立表石紀傳億載其文曰

皇

石本此字出格

越統華胥承天畫卦顏育空棗孔制元孝俱

祖紫宮大一所授前闔九頭以汁言教後制百王獲麟來吐制不空作承天之語乾元以來三九之載八皇三代至孔乃備聖人不世期五百載三陽吐圖二陰出讖制作之義以俟知真於穆韓君獨見天意復聖二族連越絕思循造禮樂胡輦器用存古舊宇懇懃宅廟朝車威熹出誠造更漆不水解工不昂賈深除園汗水通口注禮器升堂天雨降澍百姓訢和舉國蒙慶神靈祐誠

竭敬之報天與厥福永享年壽上極華紫躬伎皇代刊石表銘與乾運耀長期蕩蕩於盛復授赫赫巴窮聲乘億載

韓明府名勅字射節

穎川長社王園君真二百

河

東大陽西門儉元節二百

故涿郡太守魯庶次公五

千 故會稽太守魯傳世起千

故樂安相魯庶季公

千 故從事魯張嵩眇高五百

相王簿魯薛陶元方

三百 相史魯周乾伯德三百

右漢魯相韓勅孔子廟碑其閒太一紫宮吐圖出讖等語殊為難解大致以尊孔子而并加恩于顏氏并官氏因修禮器而并飾宅廟除元汗故立石以紀其

四·二十
金石錄卷六
功天下碑錄題爲魯相復顏氏繇發碑集古錄隸釋
題爲魯相修孔廟禮器碑皆得其一而遺其一不若
金石錄但目爲韓明府孔子廟碑之爲該也郭允伯
以此碑爲漢隸第一品近恭壽先生亦極讚是碑之
妙手臨數過題跋注釋備極詳盡亦自來輯錄漢隸
者所未有也 家語孔子娶于宋并官氏萬姓統諧
引先賢傳孔子娶并官氏并讀太聲皆與此碑同今
闕里志誤作亓俗讀如稽蓋形聲并誤矣乃或者不
攷反以作并者爲非謬甚 碑云爵鹿祖桓金石錄
云所謂鹿者禮圖不載莫詳爲何器近見陳氏所藏
古彝爲伏鹿之形近歲青州獲一器亦全爲鹿形疑

所謂鹿者亦因其形而名之耳按儀禮鄉射禮鹿中
鬃前足跪投壺禮主人奉矢司射奉中注云士鹿中
大夫兕中刻木如兕鹿而伏背上立園圈以盛算也
碑所謂鹿蓋此非鼎彝之屬趙氏未及詳攷也趙又
云字書壹陳樂也非器名不可解按趙氏誤引說文
豈字之訓說文豈陳樂立而上見也从中从豆中句
切碑字作壹與豈迥別隸釋以爲與上下文符觚與
汗協韻當是壺字足祘德甫之惑 出誠造叟字
石本半晦華澱山云當是夏字今按石刻上截雖不
甚清下截正作兩擎不似夏字作文也此句蓋言出
誠心以夏造禮器故下文云漆不水解工不爭賈若

三六三
作夏字義亦難通 水通□注中缺一字恭壽先生
據陳古白舊搨本謂是國字今細驗之信狀
碑陰

西戍侯王曷二百 道西陽樂張普仲堅二百

河南戍宰蘇漢明二百 其人處土

河南雒陽种亮奉高五百

故兗州從事任城呂育季華三千

故下邳令東平陸王褒文博千

故穎陽令文陽鮑宮元威千

河南雒陽李申伯百

趙國邯鄲宋瑱元世二百

彭城廣儀姜尋子長二百

平原樂陵朱恭敬公二百

平原濕陰馬瑤元興二百

彭城醜治世平二百

泰山鮑丹漢公二百

京地劉安初二百 故薛令河內溫朱熊伯珍五百

下邳周宣光二百 故豫州從事蕃加進子高千

河間東州齊伯宣二百

陳國苦窳崇伯宗二百

以上弟一列

穎川長社王季孟三百

汝南宋公國陳漢方二百

山陽南平陽陳漢甫二百

任城番君舉二百

任城王子松二百

任城謝伯威二百

任城高伯世二百

相王薄薛曹訪濟興三百

相中賊史薛冀韶興公二百

薛弓奉高二百

相史下呂松□遠百

駙車仲卿二百

瑕土魯劉靜子著千

故從事魯王陵少初二百

故督邾魯开輝景高二百

魯曹攄初孫二百

魯劉元達二百

以上弟二列

故督邾魯趙輝彦臺二百

郎中魯孔宙季將千

御史魯孔翊元世千

大尉掾魯孔凱仲弟千

魯孔曜仲睢二百魯孔儀甫二百

二·三十四
金大村卷一
一
冢土魯孔方廣率千

魯孔巡伯男二百文陽蔣元道二百

魯孔憲仲則百文陽王逸文豫二百

尚書侍郎魯孔憲元上三千

魯孔汎漢光二百南陽宛張光仲孝二百

守廟百石魯孔恢聖文千

衰成侯魯孔建壽千河南雒陽王敬子慎二百

故從事魯孔樹君德千

魯孔朝升高二百

行義掾魯弓如射都二百

魯劉仲俊二百北海劇袁隆展世

魯夏侯廬頭二百魯周房伯臺百

以上第三列

碑右側

山陽瑕丘九百元臺三百

齊國廣張建平二百其人冢土

上黨長子楊萬子三百

冢土魯孔徵子舉二百

以上第一列

魯徐伯賢二百

魯劉聖長二百

河南偃師骨鄰通國三百

河南平陰樊文高二百

以上弟二列

河東臨汾敬信子直千

河南雒陽左棼冀二百

東郡武陽董元厚二百

東郡武陽桓仲豫二百

以上弟三列

泰山鉅平車仲元二百 蕃王狼子二百

泰山費淳于隨季遺二百

故安德侯相彭城劉霈伯存五百

故平陵令魯庶恢元世五百

以上弟四列

碑左側

東海傅河東臨汾敬謙字季松千

時令漢中南鄭趙宣字子雅

故丞魏令河南京丁璫棼舉五百

左尉北海勳趙福字仁直五百

以上弟一列

右尉九江浚適唐安季興五百

司徒掾魯巢壽文后三百

河南偃師度徵漢賢二百

南陽平氏王自子尤二百

以上弟二列

相守史薛王芳伯道三百 魯孔建壽二百
相行義史文陽公百輝世平百

魯傳堯子豫二百任城亢父治真百

魯孫股三百 魯孔昭紉祖百廬城子二百

以上弟三列

右韓勅碑陰并兩側人名碑陰凡六十二人兩側共
三十三人隸釋有碑陰無兩側所錄本無遺脫金龕
琳琅取前碑末八人并兩側人名皆入之碑陰自詫
所得按隸釋多三十八人因以譏洪氏之誤不知都
公所據舊搨本蓋已裝池成冊者故無從分別觀之

若親至碑下或取原搨全本相按則瞭然矣 兩側
前弟七人云相行義史文陽公百輝世平百恭壽先
生跋云文陽公爲一人輝世平爲一人當是姓文名
陽公或字陽公者非公侯之公也輝世平不著郡望
當與文陽公同里并同官者故卽繫文陽公下余按
此說非也漢書地里志後漢書郡國志汶陽屬魯國
史晨後碑有文陽馬琮隸釋云以文陽爲汶陽此碑
之陰書文陽者凡三人皆汶陽也此人亦隸籍汶陽
公百其姓輝其名世平其字百乃所出泉數百古複
姓有公伯氏魯論有公伯寮伯與百蓋通用也若以
文陽公爲一人輝世平爲一人旣與前後書法不類

四·四十四
金石存卷六
況文陽公既無郡望輝世平之郡望又何從知且姓氏書亦無輝姓也兩側後第一人云山陽瑕丘九百元臺三百先生跋云瑕丘乃地名非人名按范史屬山陽郡元臺亦當是山陽所屬之地以非邑故范史不載耳此兩地泉少人多不能不書又不能悉書故總而記之曰瑕丘九百元臺三百也余按此說亦誤元臺之爲地名既無可攷且它碑陰亦從未有合一邑所出泉數而總記之者蓋九百非泉數亦人姓名也列子有九方皋唐有九嘉宋有九真明有九焯九姓歷歷可數元臺則其字也先生于此碑并陰及兩側攷訂極詳此其小誤余特表而出之

案後漢書王梁傳擊肥城文陽拔之章懷太子賢注文音汶故城在沈州泗水縣西是汶陽作文陽范史已如此不獸碑刻也洪氏亦未引及此九百古複姓廣韻引何氏姓苑云晉岱縣人姓九百名里爲縣小吏而功曹姓萬縣中語曰九百小吏萬功曹原書云九姓百名者非也且九方自是複姓亦未足爲九姓證左蓋此碑列名諸人或稱名或稱字或名字並稱體例不一此九百元臺者特稱其字如徐伯賢之類

漢郎中鄭固碑

延熹元年

漢故毘中艷君止碑

篆額

君諱固字伯堅著君元子也含中和之淑質□□□□
 □□□□□□□□□□至行立乎鄉黨初受業於歐陽遂
 窮究焉典籍□□□□□□□□□□事弱冠仕郡
 吏諸曹掾史主簿督郵又官掾功曹□□□□則
 補字□□□□衛上清□□自脩犯顏謇諤造膝俛□加□□
 成□□□推賢補二字□□□□□□□□□□此服之邦后
 珍瑋□□為儲舉先屈計掾奉我□貢清眇補三字□□□
 □惡能補二字簡乎聖心延熹元丰二月十九日詔拜□
 中非典好也□疾錮補五字□□滿期限補三字後其本規
 乃邁凶愍丰卅二其□□□□□□遭命隕身痛如之何
 補六字□是君大補三字男孟子有楊烏之才善性形於岐

□□□見□毳毼丰七歲而夭補六字□君夫人補三字所
 共哀也故建□共墳配食斯壇□慰考妣之心琦瑋延
 召為至惠流紀則補十字鍾鼎奚銘昔妊□□武弟述其
 兄編□□□□行於幾陋獸曷敢忘補七字□刊石補二字
 呂旌遺芳其辭曰
 於惟郎中寔天生惠頤親誨弟受恭□□教□義方導
 我礼則傳宣補八字□業佗補二字在慎式從政事上忠□
 自勛貢計王庭華夏歸服帝用嘉之顯拜殊補七字□將
 從補二字雅意色斯自得乃遭氛災隕命顛沛家共所怙
 國□忠直俯哭誰訴叩補七字□焉補字告嗟嗟孟早苗而
 弗毓奉我元兄脩孝罔極魂□□靈亦歆斯勒補五字

右漢郎中鄭固碑今在濟寧州儒學只存上段十七
八字下段磨滅或十字或十一二字不等如洪趙諸
公所辨逡遁之類已不存矣金石文字記云此碑書
妣作婁與費鳳碑同今此碑妣字尚存并不作婁或
亭林誤記它碑之字也劉太乙續金石錄云弱冠仕
郡諮曹掾史歐本作諸今本諸字雖少漫漶狀筆畫
具在亦不作諮楊升庵云子雲本姓楊从手不从木
碑云有揚烏之才謂童烏也字正从手升庵之言信
爲有徵劉跋概書作楊誤矣又碑云頤親誨弟頤字
作頤變匠爲正此與前姬字作姪同皆隸變也劉作
順親亦非

案碑十五行行二十九字鄉來拓本止上段十七
八字雍正六季有李鷗者得下段殘石存二十二
字鷗子東琪又于乾隆四十三季將此碑升高出
土之上復得中段續存六十三字按洪氏所收止
缺六十六字碑在今濟寧州學戟門西側下段殘
石別嵌置明倫堂東壁據此補錄八十五字其洪
氏所有而石本已蝕者仍缺焉 碑云有揚烏之
才楊字石本从木吳云从手非也

漢倉頡廟碑側題字

延熹五季

□令邗方臨戎孫羨□□□□□□
邗方太守上郡伏君察孝除郎中大原陽曲長延熹四

奉九月乙酉詔書遷潯令又奉正月到官奉見

川明府立祠刊石表章大聖之遺靈以示來世之未生

謹出錢千□□者下行自紀姓名

潯守丞臨晉張疇字元德五百守左尉萬年長沙瑗字

君平五百

潯縣三老上官鳳季方三百

潯鄉三老時勤伯秋三百

潯主記掾楊綬子長三百

潯門下功曹裴薦伯安三百

潯門下游激許愔功上三百

潯門下賊曹□□□□□□□□

功曹史上官丰□□□□□

錄事史楊禽孟布三百

集曹掾馬津子孝三百案此行原書脫今補

倉曹原書譌掾任就原書子□□百譌鮐

故功曹郭□□□□百

□□□□□□□□三百

此行全缺

軍假司馬潯下缺

從掾位潯下缺

從掾□潯張下缺

故文學掾潯□下缺

金府在卷六、隸存一

三

二·十二
金石錄卷六
故文學掾

下缺

以上在碑之右側

議曹史蓮勻楊□三千

功曹書佐頻陽□□千

□吏蓮勻任衆六百

□吏高陵□□六百

□吏臨晉干珠字補六百

□吏高陵張順六百

高陵左鄉有

下缺

萬丰左鄉有秩游督千

萬丰左鄉有秩畢奮字補千五百

蓮勻左鄉有秩杜衡千五百

池陽左鄉有秩何博千五百

夏陽

下缺

夏陽候長馬琪千

字補

粟邑候長何暉千

字補

□□候

此行補下缺

以上在碑之左側

右漢倉頡廟碑側題字前碑及陰漫滅已甚唯乃詎訪國老及倉頡天生德于大聖四目靈光爲百王作

書原書及乃作頌曰數句可讀頌後又有劉明府字

其它字畫時有存者狀皆不成文理碑陰有五官掾

高陵守故督盜賊等字蓋亦掾屬題名狀姓名無一
存者故皆不可著錄唯兩側字尚多明白可讀其一
略云朔方臨戎孫羨以永壽二季爲朔方太守仇君
察孝除郎爲太原陽曲長延熹四季遷衙令五季到
官奉見劉原注碑字止存川翁以前碑證之當是劉字明府立祠刊石表
章大聖之遺靈以示來世後列郡守丞張疇守左尉
長沙瑗案長沙複姓原書脫長字今補二人名下有題名三列可見
者一十五人有衙縣三老衙鄉三老主記掾史門下
功曹門下游徼門下賊曹功曹史錄事史軍假司馬
從掾位文學掾等名唯六人姓名全其一亦有題名
三列姓名全者七人餘皆殘缺不完有議曹史功曹

書佐高陵左鄉有秩萬季左鄉有秩蓮勺左鄉有秩
池陽左鄉有秩夏陽候長粟邑候長等名而集古錄
所稱尚有池陽集丞有秩祿祿候長則已公矣倉頡
廟蓋在御縣此碑頌乃御令孫羨奉劉明府之令爲
之而碑陰兩側則備記孫令出仕始末及其掾屬所
出泉數也此碑自歐趙而外它家皆所未見越今五
六百季乃復爲人所推拓而余適得之碑字特小隸
法頗精兩側字時有縱筆不及前碑之嚴整狀其佳
處亦饒有曹郃陽碑陰風致但破碎零落它人不肯
諦視故棄置至今耳余挾之行笈中渡河者二冬夜
篝燈一一檢錄時漏下數十刻未休旁觀睨視漫不

崖爲何物其捉鼻蹙額者不知日凡幾輩也 集古
 錄有朔方太守碑陰及碑陰題名二跋卽此碑兩側
 題字也歐陽公未得前碑故其稱名不無錯誤金石
 錄有倉頡廟碑又有倉頡廟人名所謂人名亦卽此
 碑兩側狀又未嘗云有碑陰不知當宋時何以二公
 所得不全如此今余所有雖剝泐已甚狀四紙皆具
 先後不紊舉似古人不覺色喜又集古錄以遷御令
 爲衙令 案集古錄衙令上仍有遷字不知原書所據何本 以太原陽曲長太
 下爲減一字亦非 金石錄云攷其歲月蓋熹平六
 季立今碑于季月字已無可見余但以兩側有延熹
 五季字遂列之爲桓帝時刻

金石存卷六

九千四百九十一字

金石存卷六 隸存一

三

金石存卷七

淮安吳玉搢纂

隸存二

聞妙香室校本

漢泰山都尉孔宙碑

延熹七年

有漢泰山都尉孔君之銘

君諱宙字季將孔子十九世之孫也天姿醇嘏齊聖達
 道少習家訓治嚴氏春秋緝熙之業既就而閨闈之行
 允恭德音孔昭遂舉孝廉除郎中都昌長祗傳五教尊
 賢養老躬忠恕訖及人兼禹湯之臯已故能興朴□於
 彫幣濟園功於易簡三載考績遷元城令是時東嶽黔
 首猾憂不□□□祠兵遺畔未寧乃擢君典戎訖志循

四六
之旬月之間莫不解甲服罪□□□樛田暖喜于叢圃
商旅交乎險路會鹿鳴於樂崩復長豸於酬酢□□□
稔會遭薦病告困鉞佐得從所好季六十一延熹六年
正月乙未□□□疾貴速朽之反真暮寧儉之遺嗣宅
夕不華明器不設凡百叩高□□□迷於是故吏門人
乃共陟名山采嘉石勒銘示後俾有蘇式其辭曰
於顯我君懿德惟光紹聖佐儒身立名彰貢豈玉室闈
□是虔夙夜□□左公明明乃綏二縣勅儀既靡於元
時靡攬茲岱方帥彼凶人覆俾□□南敵孔饒山有夷
行豐季多柔稱波光觥帝賴其勲民斯是臯疾□□□
乃委其榮忠吉愍勤屢省乃聽恭儉自縊墓不敝生

播高譽歿衆令名永夫不刊雷載揚聲

延熹七年七月戊□造

右漢泰山都尉孔宙碑別有篆額而首行又題有漢
泰山都尉孔君之銘十字與它碑體制微異文字雖
有剝蝕狀尚可讀祇傳五教者即尚書之敬敷五教
也以祇易敬以傳作敷漢書文帝紀傳納以言宣帝
紀傳奏其言師古曰傳讀爲敷

碑陰

門生故吏名

篆額

門生鉅鹿瘦陶張雲字子平

門生鉅鹿瘦陶趙政字元政

門生鉅鹿廣宗捕巡字升臺

門生東平寧陽車勳字幼昌

門生魏郡館陶張上字仲舉

門生魏郡館陶王時字子表

門生魏郡陰安張典字少高

門生魏郡魏孟忠字詩政

門生魏郡魏李鎮字世君

門生魏郡館陶吳讓字子敬

門生魏郡館陶文儉字元節

門生魏郡館陶颺瑱字仲雅

門生魏郡鄴暴香字伯子

門生東郡東武陽梁澍字元祖

門生東郡衛公國趙恭字和平

門生東郡東武陽張表字公方

門生東郡東武陽滕穆字奉德

門生東郡樂平棗演字仲厚

門生東郡樂平靳京字君賢

門生東郡樂平梁布字叔光

門生東郡樂平棗顯字伯異

門生陳留平正司馬規字伯昌

門生安平下博張祺字材松

門生安平下博張朝字公房

門生安平下博蘇觀字伯臺

門生安平堂陽張琦字子異

門生北海安丘齊納字榮謀

門生北海劇秦麟字伯麟

門生北海劇如廬浮字遺伯

門生北海劇薛顛字勝輔

門生北海劇高冰字季超

門生濟南梁鄆趙震字糾政

門生濟南鄆徐璜字芻文

門生濟南東平陵吳進字升臺

門生甘陵廣川李都字元章

門生甘陵貝正賀曜字升進

門生魏郡清淵許祺字升明

門生魏郡館陶史崇字少賢

門生魏郡館陶孫忠字府文

門生東郡樂平盧循字子節

門生任城任□□字景漢

門童安平下博張忠字公直

故吏北海都昌逢祈字伯熹

故吏北海都昌殳章字文理

故吏北海都昌魏稱字文長

故吏北海都昌呂規字元規

故吏泰山費魚淵字漢長

故吏泰山華毋樓覲字世光

故吏泰山南城禹規字世舉

故吏泰山南武陽蕭誨字伯謀

故民泰山費淳弓黨字季

弟子北海劇陸暹字孟輔

弟子陳留襄邑樂禹字宣舉

弟子下邳下邳朱班字宣

弟子東平寧陽周順字承

弟子沛國小沛周升字仲甫

弟子魯國友陽陳衰字聖博

弟子汝南平輿謝洋字子讓

弟子山陽瑕丘丁瑤字實堅

弟子魯國戴璋字元珪

弟子魯國下王政字漢方

右漢孔宙碑陰凡六十二人漢碑陰多不題額唯此及陳德鄭季宣碑陰有之隸釋云漢儒開門受徒著錄有盈萬人者其親受業則曰弟子以次相傳授則曰門生未冠則曰門童此碑前列門生四十二人門童一人後列弟子十人如果親受業為弟子而以次相傳授為門生不應弟子反列門生門童之後隸釋此言雖本之歐陽集古錄恐終未可深信也

漢豫州從事孔褒碑

君諱褒字文禮孔子廿世之孫泰山都尉之元子□□
 □□□□□□□□□□□□□□□□繼德前葉清和挺懿固天□
 □□□□□□□□□□□□□□□□治家業春秋□綜枚□典篇藉
 靡遺□琦多眇為淵為林博學多識□□匪勞是□□
 □□□□□□□□□□□□□□□□遠□來歷□州□鱗浮□□
 □□□□□□□□□□□□□□□□猶觀山采王□
 □□□□□□□□□□□□□□□□世之名□□□□□□□
 □□□□□□□□□□□□□□□□事□□□□□□□□
 擅名之□□□□□□□□□□□□□□□□廉□□□□□□
 爵固辭峻□□□□□□□□□□□□□□□□援為□□□□□□
 □□□□□□□□□□□□□□□□元節所過夷□□□□□□
 築骨栗真敢藏匿□□□□□□□□□□□□□□□□
 君念□□□□□□□□□□□□□□□□遂□危□濟渡窮厄後會事覺

□□□□□□□□□□□□□□□□臨難引□各爭授命□□□□□□
 □□□□□□□□□□□□□□□□喪予英彦物乎□□靡□同懷□□
 有勇□難□□□□□□□□□□□□□□□□尚□有若□□□□□□
 □□□□□□□□□□□□□□□□魯相汝南陳府君□□□□□□
 之□□□□□□□□□□□□□□□□碑昭示□□□□□□□□□□
 □□□□□□□□□□□□□□□□德□隆□□舊耀□雲如□□□□□□
 □□□□□□□□□□□□□□□□啓□□逢□百□仁風既敷□義□□□□□□
 □□□□□□□□□□□□□□□□頌□□□□□□□□□□與_{缺下}

右漢孔褒碑按三國志崔瑗傳注引續漢書曰山陽
 張儉以中正為中常侍侯覽所忿嫉覽為刊章下州
 郡捕儉儉與融兄褒有舊以投褒遇褒出時融季十

四·三十八
金石錄卷七
六儉以其少不告也融知儉爲長者有窘迫色曰吾
獸不能爲君主邪因畱舍藏之後事泄相國以下密
就掩捕儉得走脫登時收融及衰送獄融曰保納藏
舍者融也融當坐之衰曰彼來求我罪我之由非弟
之過我當坐之兄弟爭以郡縣疑不能決乃上讞詔
書令衰坐焉碑雖不全大略無異泰山都尉者宙也
宙有七子衰長融次弟六又有謙宙與謙皆有碑在
孔子廟庭衰碑不知何時淪沒歷代載籍皆無可攷
錢唐金壽門語余曰雍正時閩人何琦字禮康客游
曲阜得之郊外水瀕因載歸于廟自題字于碑陰碑
字已極剝蝕獸行首十餘字名字世系一一俱全亦

一奇也

案牛運震金石圖云碑出于曲阜縣東周公廟側
廢田中雍正三季鄉民犁田得之以告廟官陳百
戶驗是漢古文碑迺輦置孔廟此云閩人何琦得
之郊外水瀕載歸于廟兩說未知孰是

漢西嶽華山廟碑

延熹八季

周禮職方氏河南山鎮曰崑謂之西嶽春秋僖曰山嶽
則配天乾以定位山澤通氣雲行雨施既成萬物易之
義也祀典曰日月星辰所昭叩也地理山川所生殖也
功加於民祀以報之禮記曰天子祭天地及山川歲遍
焉自三五迭興其奉山川或在天子或在諸侯是以唐

虞疇咨四嶽五□壺巡狩皆以四時之中月各省其方親至其山柴祭燔燎夏酉則未聞所損益周鑒於二代十有二歲王巡狩段國亦有事于方嶽祀以圭璧樂奏六歌高祖初興改秦淫祀大宗承循各詔有司其山川在諸侯者以時祠之孝武皇帝脩封禪之禮思登遐之道巡省五嶽裡祀豐備故立宮其下宮曰集靈宮壑曰存僊壑門曰望僊門仲宗之世重使使者持□祀焉歲一禱而三祠後不承前至于亡新滯用五虛託今垣趾營北猶存建□之元事舉其中禮從其省但使二千石以歲時往祠其有風旱禱請祈求靡不報應自是以來百有餘年有事西巡輒過亨祭然其所

立碑石削紀時事文字摩滅莫能存識延熹四年七月甲子園農大守安國亭侯汝南袁逢掌華嶽之主位應古制脩殿起頓閔其若茲深達和民事神之義精通誠禘祭之福乃案經傳所載原本所由銘勒斯石垂之于後其辭曰

巖巖西嶽峻極穹蒼奄有河朔遂荒華陽觸石興雲雨我農來資糧品物亦相瑤光崇冠二州古曰雖梁馮于幽峻文武克昌天子展義巡狩省方王帛之贄禮與岱方六樂之變舞以致康在漢中葉建設宇堂山嶽之守是秩是望侯惟安國兼命斯章尊脩靈基肅共壇場明德惟馨神歆其芳過穰凶札孳紱吉祥歲其有丰民說

無疆

袁府君肅恭明神易碑飾闕會遷京兆尹孫府君到欽
若嘉業遵而成之延熹八年四月廿九日甲子就袁府
君諱逢字周陽汝南女陽人孫府君諱璆字山陵安平
信都人時令朱頡字宣得甘陵郟人丞張舅字少游河
南京人左尉唐佑字君惠河南密人主者掾華陰王萇
字德長

京兆尹勅臨都水掾霸陵杜遷市石遣書佐新豐郭香
察書刻者穎川邯鄲公脩蘇張工卞君□

右西嶽華山廟碑錢唐金壽門舊有此拓本余從摹
得之殘缺不十餘字或筆畫小損皆可辨認也此碑

自嘉靖時毀壞拓本流傳甚少關中郭允伯所藏得
自樓雲駒後歸王無異後又入商止宋太宰家凡顧
亭林朱竹垞劉太乙顧南原所見皆此一本幾以爲
騏驎一毛虬龍片甲世閒無復副本矣乃允伯自云
缺百二十字而此本乃不若是之甚郭本有額而此
本篆額西嶽華山廟碑六字亦全豈不較勝于郭本
耶又梁谿吳棟臣客淮陰自言其家亦有一本得之
其鄉秦氏雖不知視此本何如要之此碑之流傳于
世者尙不止此數本也 玉篇有玉字音粟音璉玉
工也點在中畫上與玉字點在下音義各別韻會正
韻諸書皆沿其說此碑玉帛之贄玉字點正在上義

漢故衛尉卿衡府君之碑 隸額

府君諱方字興祖肇先蓋堯之苗本姓□□則有伊尹
 左殷之世號稱阿衡因□氏□□□□土家于平陸君
 之烈祖少曰濡術安貧樂道履該顏原兼循季由聞斯
 行諸礪仁□□□□土階夷愍之貢經常伯之賓位
 左馮翊先帝所尊垂名竹帛芹廬江大甲兄癘門大甲
 □□□孝長發其祥誕降于君天資純懿昭前之美少
 曰文塞穀庖允元長曰欽明耽詩悅書□□□秋仕郡
 辟州舉孝廉除郎中即止侯相膠東令遵尹鐸之導保
 鄆二城叅國起按斑敘□□□本肇末化速却置州舉
 尤異遷會稽東部都尉將□南仲邵席之軌□翼軫之

旌操叅□□□綏來王之蠻會喪太夫人感背人之凱
 風悼慕儀之劬勞廟闇苦幽□□上言□□向□□□
 祥除徵拜議郎右北平大甲尋李廣之□邊恢魏絳之
 和我戢土供□□□□□□□□靜有績遷穎川大
 甲脩清滌信招拔隱逸先□□茹國外浮諉淡果繇動
 氣泄狂□□□□歸來洙泗用行舍臧徵拜議郎遷
 大醫令京地尹□都餘化詩人所詠竝有亡新君□□
 □□隆寬慄鶉火先物隕霜剿姦振滯起舊存亡□絕
 恩降乾太威肅剝以本朝錄功入□□□翼紫宮夙
 爽惟寅禕隋左公有單襄穆□□之風詔選賢良招先
 逸民君務在□共順□文舉已從政者退就勅巾永康

四·五十三
金石錄卷一
之末君□孝桓建寧初政朝用舊臣留拜步兵校□爰
六師之□維時假階將授緄職受任決旬庵離孺疾丰
六十有三建寧元丰二月五日癸□□□□□□□
賻礼百賓臨會莫不共聲其丰九月十七日□酉塋盖
睢頌興而清廟肅中□□而□□□故仲尼既歿諸子
綴論斯千佗歌用昭于宣誼呂旌德銘呂勒勲於是海
內門生□吏□□□采嘉石樹靈碑鐫茂伐秘將來其
辭曰

峨峨我君懿烈孔純高朗神武歷世忠孝馮隆鴻軌不
悉前人寬□不主德義是□□□□溫故前呈鑑英
接香踵□晏平初據百里顯顯令聞濟康下民曜武南

會邊民是鎮惟□□□憂及退身叅□帝室剖符申藩
北靖□□有□有聲旋□中巖幽滯呂榮邁種舊京□
□□□舍澤□□□□收寧剋長剋君不虞不陽維□
維允耀此聲香能哲能惠剋亮天功入□□□□□
□法言稽古道而後行競競業業素絲羔羊閭閻侃侃
團團昂昂□規履槩金玉□相蹇蹇王臣羣公憲章樂
旨君□□□无彊銘勒金□□□□□問□□萬世
是傳門生平原樂陵
朱登字仲□□

右漢衛尉卿衡方碑今在汶上縣雖有缺壞狀官闕
氏族卒葬歲月一一可見金石錄以為建寧三季二
月立洪氏已辨其誤金石文字記又以為三季六月

亦誤也 碑云感背人之凱風悼蓼儀之劬勞趙德甫以蓼儀卽蓼莪狀矣至背人二字乃置不論余按背人卽邶人也廣韻邶同鄘紂畿內地名碑以鄘作邶而又省其邑耳它如樂只君子作旨委蛇在公作棹隋克長克君作剋能哲能惠作慙非盡假借必當時經師所傳有此異本也 隸釋云棹隋字出韓詩內傳內傳久不傳未知洪氏何據經典釋文引韓詩但作逶迤 容齋五筆言委蛇字凡十二變一曰委蛇二曰委佗三曰委迤四曰倭遲五曰倭夷六曰威夷七曰委移八曰逶移九曰逶蛇十曰倭蛇十一曰逶迤十二曰威遲今此碑又作棹隋唐扶碑作逶隨

劉熊碑作委遺枝乘兔園賦作萎移博雅臧陔險也文選薛注周道威夷險也則臧陔亦委蛇之別體而字書尙有螭迤蟻迤隄迤之異此二字固不止十二變洪公尙攷之未盡也

案春秋襄十一年傳引詩樂只君子亦作旨詩大雅靡哲不愚釋文云本亦作慙廣韻慙同哲棹隋王伯厚詩攷亦云出韓詩內傳

漢魯相史晨孔子廟碑 建寧二年

建寧二年三月癸卯朔七日己酉魯相臣晨長史臣謙頓首死罪上

尙書臣晨頓首頓首死罪死罪臣蒙厚恩受任符守得

左奎婁周孔舊寓不能闡國德政恢崇臺變夙夜憂悒
累息屏營臣晨頓首頓首死罪死罪臣以建寧元丰到
官行秋饗飲酒畔宮畢復禮孔子宅拜謁神聖仰瞻櫬
桷俯視几筵靈所馮依肅肅猶存而無公出酒脯之祠
臣即自以奉錢脩上案食醜具以叙小節不敢空謁臣
伏念孔子乾以所挺西狎獲麟為漢制作故孝經援神
挈曰罔止制命帝卯行又尚書齊靈燿曰止生倉際觸
期稽度為赤制故作春秋以明文命綴紀撰書脩定禮
義臣以為素王稽古德亞皇代雖有衰成世享之封四
時來祭畢即歸國臣伏見臨辟廡曰祠孔子以大宰長
吏備爵所以尊先師重教化也夫封土為社立稷而祀

皆為百姓興利除害以祈豐穰月令祀百辟卿士有益
於民則乃孔子園德煥炳光于上下而本國舊居復禮
之日闕而不祀誠

朝廷聖恩所宜特加臣寢息耿耿情所思惟臣輒依社
稷出王家穀春秋行禮以共煙祀餘□賜先生執事臣
晨頓首頓首死罪死罪臣盡力思惟庶改軟稱為效增
異輒上臣晨誠惶誠恐頓首頓首死罪死罪上

尚書 時副言大傅大尉司徒司空大司農府治
所部從事

昔在仲尼汁光之精大帝所挺顏母毓靈承敝遭衰黑
不代倉□涿應聘嘆鳳不臻自衛反魯養徒三千獲麟

四十七
趣作端門見徵血書著紀黃玉韻應王為漢制道畱可
行乃作春秋復演孝經刪定六藝象與天談鈎河擗雒
却撰未然魏魏蕩蕩與乾比崇

右漢魯相史晨孔子廟碑內缺二字自隸釋所錄已
朕闕里志餘下作昨字蓋因晨後碑有餘昨賤賜句
也山東通志流上作周字闕里志又改周流為轍環
通志遂削去餘昨句皆妄不足據銘云晉在仲尼汁
允之精又云承敝遭衰黑不代倉者以孔子為黑帝
叶允紀之精而不得代周有天下也汁即叶字又云
獲麟趣作端門見徵血書著紀黃玉韻應者公羊傳
何休注云獲麟之后天下血書魯端門曰趨作汰孔

子沒周姬亾彗星出秦政起□破術書記黻孔不絕
子夏明日往視之血書飛為赤鳥當時蓋有此說皆
緯書所載漢人一時傳習往往見諸文字如禮器卒
史諸碑言多相近至以孔子作春秋謂為漢制則尤
傅會可笑矣 碑式云文十七行行三十六字顧氏
隸辨云三十五字蓋行末各損壞一字但據今拓本
故云三十五字也攷隸釋所載缺字全在今依洪本
補之

案此與後碑行末一字竝未損壞因歲久碑入跌
嵌者寸許故鄉來拓本每行止三十五字今則為
好古者舉而起之全文始顯 續漢書班固傳注

四·六
金石錄卷一
引春炀緯孔演圖云孔子母徵在寢感黑帝而生
蓋黑帝曰汁光紀故碑云汁光之精又水經注引
孔演圖云鳥化爲書孔子奉以告天夫爵銜書上
化爲黃玉刻曰孔提命作應泐爲夫制碑云黃玉
韻應本此

漢魯相史晨孔子廟後碑

建寧二年

相河南史君諱晨字伯時從越騎校尉拜建寧元年四月十一日戊子到官乃以今日拜□孔子聖見闕觀式路更跽既至升堂屏氣拜手袒肅肩僂髣髴若左依依舊宅神之所安春秋復禮稽度罔靈而無公出享獻之菱欽回春饗藥物嘉會述脩辟廡社稷品制卽上尙書

參以符驗乃敢承祀餘肫賦賜刊石勒銘并列本奏大漢延期彌歷億萬

時長史廬江舒李謙敬讓又官掾魯孔暢功曹史孔淮戶曹掾薛東門榮史文陽馬琮守廟百石孔讚副掾孔綱故尙書孔立元世河東大守孔瑰元上冢土孔袞文禮皆會廟堂國縣負冗吏無大小空府竭寺咸俾來觀并畔宮文學先生執事諸弟子合九百七人睢歌吹笙孝之六律八音克諧蕩耶反匹奉爵稱壽相樂終日於穆肅雍上下蒙福長享利貞與天無極

史君饗後部史仇誦縣吏劉耽等補完里中道之周左廡垣壞泐佗屋塗色脩通大溝西泝里外南注城池恐

四·八
縣吏鰥民侵擾百姓自以城池道濡麥給令還所鰥民
錢村

史君念孔瀆顏母井去市道遠百姓酤買不能得香酒
美肉於昌平亭下立會市因彼左右咸所願樂

又勅瀆井復民飭治桐車馬於瀆上東行道表南北各
種一行梓

儼夫子冢顏母开舍及魯公冢守吏凡四人月與左除
右史晨後碑卽刻于前碑之陰隸釋云前碑載奏請
之章此碑敘饗禮之盛其補垣牆治瀆井種梓守冢
皆在饗廟之後字畫亦大小不等蓋史君孔林中事
不一書也 碑十四行前八行三十六字今行末各

損壞一字與前碑同

案行末一字未損壞因歲久
碑入跌嵌不能著墨故每行止

三十五字
說詳前碑

自史君饗後六行字較大則行三十五字

也碑末餘三行有唐荅周天授二季金臺觀主馬元
貞等題名

漢孝廉柳啟碑

建寧二季

故孝廉柳□□□愚卿其先蓋五行星仲廿八舍柳
宿之精也放象為用縣設為道□商家而□□□而
主或間生柳惠國大夫而泮俗稱焉君父以孝廉除郎
中□部府丞君追祖繼體歷職五官功曹守宕渠令本
初元丰大守蜀郡□君復察舉君□命共丰君清節儉
約厲風子孫固窮守陋不□□堂無文麗墓無碑識建

四·二十二
金石錄卷七
寧元丰縣長同歲捷為屬國趙臺公憤然念素帛之義
其二丰十月甲子為君立碑傳于萬基回勒歎之厥辭
曰

惟斯柳君天籟鯁□讓祖□風行無遺闕授政股肱諫
爭匡弼舊威外困屬城震栗宰守□煩垂名所立表貢
王庭望極爵位可辜□蒼官寵不遂予惟三六庶昔延
李建立斯碑傳于萬世子孫繁昌永不淈滅嗚呼哀哉
嗚呼哀哉□曰

山陵園室□斯邦兮先人脩質尚約清兮汶飭不雕隕
覆臧兮季子信舊帶樹松兮僞俗追歿激□揚兮亡而
像存樂嘉靈兮宗子于集喞其鳴兮四時烝嘗不廢充

兮

右漢孝廉柳敬碑漢隸字原云在忠州忠州今屬四
川重慶府道路遼遠自宋時洪趙二家而外它人皆
未見著錄近時不知何人始數致拓本江南藏碑者
皆有之余審視再四疑後人用舊文刊刻不及細檢
致多脫誤其可訾者數端隸釋錄此文固窮守陋句
下存一不字不下注缺三字今此碑不下止缺二字
从上下文義讀之自清節儉約厲風子孫固窮守陋
以及堂無文麗墓無碑識皆以四字成句東漢文體
自是如此不應此句猷減一字也碑云因勒歎之隸
釋作因勒銘歎之此句若無銘字成何文理漢碑雖

多艱淡古奧之詞狀必不至此銘云天鱗鯁□字書
無鱗字隸釋字原皆作天憤字原注云義作資奮威
外困二書皆作梱字原上平哈韻懷字引此碑嗚呼
懷哉今碑亦但作哀凡文字刊版者類不如石刻之
真故前人往往以碑本正書冊之誤狀如此碑前二
字脫落顯狀後數字雖未知孰爲是非但洪婁二公
皆精于攷訂一字之異必證據確切詎有外梱作外
困猷置而不論之理至若鱗不作憤哀不作懷婁氏
字原又何從摹其隸體編入韻中乎余蓄此疑久而
未決適錢唐黃松石過余因論漢碑出此相質彼言
審視隸法亦無漢人淳古之風斷爲偽作無疑余遂

欲屏棄不錄既以此碑真迹遠在蜀地實爲難得獲
此本者尠不珍之未必有細加推勘如此者因納之
錄中而詳載其說于後且願與天下博古者更加論
定焉

金石存卷七

八千六十七字

金石存卷八

淮安吳玉搢纂

聞妙香室校本

隸存三

漢淳于長夏承碑

建寧三季

漢北海淳于長夏君碑

篆額

君諱平字仲亮東萊府君之孫大尉掾之卓子右中郎
 將弟也累業牧守印紱典據十有餘人皆德任其位名
 豐其屬是故寵祿傳于應世帶薰若于玉室君鍾其美
 受性淵懿舍和履仁治詩尚書兼覽羣藝靡不尋嘒州
 郡更請屈己匡君為主薄督郵又官掾功曹上計掾守
 命冀州從事所在執憲彈繩糾柱忠絜清肅進退以禮

允道驚愛先人後已克讓有終察孝不行大傳胡公歆
 其德美旌招俯就羔羊在公四府歸高除淳弓長封官
 正席流恩哀讞糾姦示惡□□□□□□□□□□□□□□
 □□□□□□□□□□□□□□□□□□□□□□□□□□□□
 六建寧三季六月癸巳淹疾卒官嗚呼痛哉臣絳辟踊
 悲動左右百姓號咷若喪考妣咳孤憤泣物怛傷摧勒
 銘金石惟以告哀其辭曰

於穆皇祖天挺應期佐時理物紹縱先軌積德勤約燕
 弓孫子君之羣惑並時繫社明明君德令問不已高山
 景行慕前賢劉庶同如蘭意顯未止中遭冤友不終其
 紀夙世實社早喪懿寶抱器幽潛永歸蒿里痛矣如之

行路感動黨魂有靈垂後不朽

右漢淳于長夏承碑余得雙鉤本于海鹽畢既明後
 有豐道生跋蓋從宋搨影摹者是碑在廣平府宋元
 祐中因治河隄得之字畫最為完善暨明成化己亥
 知府秦民說見碑什府治後堂乃復樹于堂之東隅
 剏慶石軒以覆之刻跋于碑陰謂碑下截凡一百一
 十字季久蘇蝕係後人重摹者不知何時又復淪沒
 嘉靖戊戌掘地得之求索者眾郡守唐寬即碎其石
 後唐曜又重刻于漳川書院亦有跋言此碑因取築
 城之石為工所毀蓋不欲暴前守之短故微其詞也
 今廣平本字迹醜惡筆畫譌謬太宋本遠甚首無篆

額但正書數字而已此本中缺三十二字其餘字完
 善蓋猶在一百一十字未缺之前者都太僕家本缺
 字四十五謂是舊搨顧南原家本與都正同狀按隸
 辨所載碑字冀作冀羣作群之類顯與宋本乖異則
 顧氏所有即非漳川書院本亦秦跋所謂一百一十
 字重摹本也 銘詞始終一韻期列寶朽四字皆可
 與紙韻相通唯動字不可強叶即毛初晴三聲兩界
 之說亦不可通不知古人當作何讀法也

案此本云從宋搨雙鉤今聞宋搨原本在吳門某
 氏後有豐人翁楊景西二跋并景西及畢既明印
 止缺化行以下三十字吳云缺三十二字者豈臨

摹之誤耶

漢陳德碑

漢故陳君之碑 隸額

君諱德字伯 隸 建寧元丰二 下 拜即中以其 下 之性蜀

郡之 下 縣丞張公同 下 乃立斯碑 下 作 下

於惟我君 下 之仁本自天 下 子子孫孫永 下 建寧四

丰三 下

碑陰

故門下史人名 隸額

故門下史王 下

故門下史 下

故戶曹史□缺下

故戶曹史王缺下

故功曹史陳缺下

故郡曹史田缺下

故功曹史□缺下

故功曹史田缺下

故門下史田缺下

故門下史王缺下

故門下史田缺下

右漢陳德碑并陰不知所從得但存其上截几十行
行五字云君諱德字伯伯下一字已無賴其額全是

以知其姓陳目前有建寧元季後有建寧四季云云
前似其出仕歲月後則勒碑歲月也其餘字雖可識
狀無可句讀者碑陰亦有額凡十一行行五字與前
碑同存門下史五戶曹史二郡曹史一功曹史三諸
人僅有姓存其名皆亡矣此碑不見前人集錄字尚
不甚剝剝惜其斷折無從知陳君之行事狀一鱗片
甲亦可珍也

案牛運震金石圖云碑在沂州東南數十里田閒
邵陽褚峻迹得之搨數本再往則土人埋之矣雍
正六季碑亡所在近人有謂是即褚峻偽造并云
一董姓人所書即寫黃初季孫二孃石刻人也存

以埃攷

漢博陵太守孔彪碑 建寧四季

漢故博陵太守孔府君碑 篆額

君諱寗字元上孔子十九世之孫穎川君之元子也君
 少履天姿自然之正帥禮不爽好惡不衡并衷度衷脩
 身踐言龍德而學不至於敲浮游塵埃之外矚焉汜而
 不俗郡將嘉其所履前後聘召盖不得已乃翻爾束帶
 因論窮理直道事人仁必有勇可以託六授命如毛諾
 則不宿美之至也莫不歸服舉孝廉除郎中博昌長疾
 病留宿□遷□□府丞未出京師遭大君□□踰臯魚
 喪□乎哀謹畏□章服竟還□□拜尚書侍郎無偏無

黨遵王之素藁可黜否出□□度日恪位佇所在祗肅
 拜治書御史膺臯陶之□怒□□□□□□□□□□
 □用既平□博□□守郡阻山□□□以饑饉斯多草
 竊罔不□賊□冢張丙等白日攻剽聖□不命君下□
 之初□五教以□□削四凶以勝殘乃□□爰尚桓
 桓拊馬繹周醜類已殫路不拾遺□民以□黷□□憲
 每合天心□□所惡□□人義之所欲不□□□
 姓樂政而歸于德□如父母順如流水遷下邳相河東
 大□舉此□□風也未□□懼不令而從雲行雨□□
 □大和海內歸公卿之任矣□□□實若壺固執
 謙需以病辭官□□□□□竭□□□□□彈琴擊

磬□□□之味而不改其靜上帝集謨天秩未究將據
 師輔之紀之綱而疾□□乃□乃□□世□建寧四年
 七月辛□□□哀哉魂神超邁家兮冥冥□孤物絕
 于嗟想形□□哀□念不欲生羣臣踴咄靡□復□夫
 逝往不可□兮□□□識惟君之軌迹兮如列宿之
 錯周易達八卦□脊敷辭述而不佞彭祖賦詩□讚□
 見于時頌□□□□□□□王沛等伏信好古敢
 詠顯□乃刊斯石欽銘洪基昭示後昆申錫鑒思其辭
 曰
 穆穆我君大聖之胄惇懿允元叡其園秀惟鬱降精誕
 生忠良奉應郡□亮波我□□□□□□居□周□

□□□也正名朝無秕政直□惟清出統華夏化以英
 成□猾殄逆賢倚□庭□□乃□□□□□□
 □□□□□□之翰先民是程宜乎三事金鉉利貞而
 絜白□俾世憤惻當□眉耆真匪爾極□□□
 不意□嗟悲兮□□息淶淶庶幾復焉所力咨乎不
 朽□而德存伊尹之休格于□□我君績表于月青
 永永無沂與日月并于□□□□□□

右漢博陵太守孔彪碑在今孔子墓林中文字損壞
 較孔廟它漢碑為甚幸其全文錄在隸釋者大半可
 讀官闕世族亦班班可攷也孔君名彪隸書从虎之
 字多變从丙故彪字變而為電字既難識石又就壞

三〇六七
金石錄卷八
自歐陽公已不能舉其名所以明人修闕里志者遂
譌爲震而彪之名不復存于孔氏譜牒矣幸有韓叔
節碑陰題名有尚書侍郎孔彪元上名字全美可證
不疑此修志者所宜急改正也

案孔彪名字亦見史晨後碑稱河東太守孔彪元
上此云博陵太守以碑爲博陵故吏所建因題其
前官耳

碑陰

故吏司徒掾博陵安平崔烈字威卒
故吏齊□□陵安平崔恢字行孫
故吏□氏令博陵安平王沛字公豫

故吏司空掾博陵安國劉惠字伯桓
故吏外黃令博陵安國劉揚字子長
故吏白馬尉博陵博陵齊智字子周
故吏五官掾博陵安平劉麟字彞公
故吏五官掾博陵安平王瑤字顯祖
故吏五官掾博陵安平孟循字敬節
故吏五官掾博陵高陽史應字子聲
故吏五官掾博陵南深澤程祺字伯友
故吏五官掾博陵南深澤程祚字元祐
故吏五官掾博陵安國劉機字□閣
右漢孔彪碑陰一列十三人前碑字雖殘缺存者時

三六十三
尚可讀碑陰字愈磨滅再數十季必成泰山無字碑
矣 孔君自舉孝廉除郎中博昌長遷京府丞拜尚
書侍郎爲博陵太守遷下邳相河東太守以卒而碑
首但題漢故博陵太守孔府君碑隸釋云此碑陰故
吏十三人皆博陵之人函日棠之惠痛夏屋之傾相
與刊立碑表故以本郡題其首理或狀也

漢西狹頌

建寧四季

君昔在龜池脩嶠嶽之道德治精通瑗黃龍白鹿之瑞
故圖畫其像

漢丞都大守漢陽阿陽李君諱翕字伯都天姿明敏敦
詩悅禮膺祿美厚繼世郎吏秀而宿衛弱冠典城有阿
鄭之化是曰三荊符中發黃龍嘉禾木連甘露之瑞動

順經古先之曰博愛陳之曰德義示之曰好惡不肅而
成不嚴而治朝中惟靜威儀抑抑督部職不出府門
政約令行強不暴寬知不詎愚屬縣趨教無對會之事
傲外來庭面縛二千餘人奉穀屢登倉庫惟億百姓育
蓄粟麥五錢郡西狹中道危難阻峻緣崖俾閣兩山辟
立隆崇造雲下肴不測之谿阨芒促迫賅容車騎進不
能濟息不得駐數有顛覆賈隄之害過者創楚惴惴其
慄君踐其險苔沙淵冰嘆曰詩所謂如集于木如臨于
台斯其殆哉困其事則爲設備今不圖之爲患無已勅
衡官有秩李瑾掾仇審因常繇道徒鑿燒破析剝白確
嵬減高就埤平夷正曲柙鍤土石堅固廣大可曰夜涉

四方先雍行人懽懽民歌德惠穆如清風乃刊斯石曰
赫赫明后梁嘉惟則克長克君牧圉三國三國清平訖
歌懿德瑞降豐稔民曰貨殖威恩並隆遠人賓服鑿山
浚瀆路曰安直繼禹之迹亦世賴福

建寧四年六月十三日王寅造時府

丞右扶風陳倉呂國字文寶

門下掾下辨李雯字子行故從事

議曹掾下辨李旻字仲齊故從事

主簿下辨李遂字子華故從事

主簿上祿石祥字元祺

五官掾上祿張亢字惠尉故從事

功曹下辨姜納字元嗣故從事

尉曹史叅都王尼字孔光

衡官有秩下辨李瑾字瑋甫

從史位下辨仇靖字漢德書文

下辨道長廣漢汧任詩字秀起

下辨丞安定朝那皇甫彦字子才

右西狹頌漢靈帝建寧四年都太守李公治路碑
也在今甘肅鞏昌府成縣磨厓刻之自宋人曾子固
趙德甫洪景伯三家外皆無有見是碑者近沈州牛
階平進士連震官秦安縣與成爲鄰成令子某聞有
是碑始遣人拓得之以一本致牛君君復書從與使
多拓數十百本以假流傳山溪多虎椎拓甚艱更遣
壯丁數人束炬鳴金以衛拓者是碑始復傳世朕見
者終少余忝來任城始于劉雨亭沛居易山房獲
見是刻俗歸寓叢響搨藏之今季邵陽人趙六吉來
濟按其橐中適見一本急以白金一餅易之較之雨
亭本多後題名十二行即洪氏隸釋所載題名止二

行此尚多十行也濟無善工不能裝界成冊乃手自
翦帖俾如書卷以復展視兼錄趙氏洪氏跋語于後
又碑前有小字二行共二十六字記李君答在黽池
治路之功卽敘中所云三剖符守致黃龍嘉禾木連
甘露之瑞之事而別題于是刻之前趙氏以爲李翕
碑陰洪氏別名黽池五瑞碑列于西狹頌之後皆非
也又碑旣翦截行字移易恐無以攷見原碑形式乃
依拓本縮爲一圖共計若干行行若干字前後小字
高下寬窄悉令相等庶幾覽者始無遺憾云 諸家
皆稱此碑爲西狹頌牛君與成令子書云此碑有額
名惠安西表余與雨亭兩本皆無額不知磨厓刻石

安得有額牛君旣云親見之定非妄語余疑終不能
釋非親至碑下烏能定之 沔都漢陽皆漢郡名阿
陽縣名漢陽屬邑漢人作文其書鄉里必郡縣並舉
見之金石刻者皆是也李君歷守三郡皆有郡治績
碑將敘其治西狹事而先歷數其政化之美頌揚之
體固應如是攷君所歷三郡其現蒞者爲沔都此碑
前題小字有答在黽池云云黽池漢屬宏農郡李君
沔都之前蓋守宏農其又一郡則不可攷矣緣厓俾
閣閣如今之棧道華陽國志云道至險有長嶺楊母
閣之峻隸釋有蜀郡太守何君閣道碑洪氏云棧路
謂之閣道非樓閣之閣也阨窄迫促窄偕爲窄賸容

四·四十七
車騎賫卽財字借用才實隧卽殞墜鑿燒破析
字書音干門鉤也此當是俗作鏟鑿之義言燒石破
析而鏟鑿之使之平坦也刻白確嵬白卽陷本字从
人在臼上象白溺之意與冎字異減高就埤埤古通
卑四方无雍雍古同壅行人懽懽義當是踊因上字
从心遂牽聯書之前人往往有此貨殖卽貨殖漢人
用字其假俗變易處皆有依據非盡好奇與傳寫之
誤也此碑自建寧至今幾二千季無一字剝缺由所
在險遠椎拓者少故得少延無恙若在通都大邑之
中久殘損不可讀矣 碑前小字題云君晉在黽池
修崱嶷之道德治精通致黃龍白鹿之瑞故圖畫其

象此行之前宜有五瑞圖象此象後題詞曰故洪氏
隸釋所載五瑞碑首列黃龍白鹿木連理嘉禾甘露
降承露人一十五字隸續碑圖具載五瑞圖象今所
見本俱無之豈歲月久遠落薛蒙翳拓者偶未之見
遂遺之耶 碑後題名十二行隸釋止載二行第一
行十一字與今石本正同第二行上下共存五字上
有故府掾三字下有孟字二字今按石本第二行上
三字是門下掾非故府掾也它行亦無故府掾字下
人名是李雯字子行亦無孟字字畫明顯不知隸釋
何以誤書此後十行則洪氏本未之見也下辨上祿
皆莒都屬縣第八人尉曹史莒都王尼此莒都亦縣

四〇二五
名卽屬都郡非此人歟書郡名也漢碑多不著書
篡人姓名唯此碑爲仇靖書文卽閣則靖作頌而故
吏字子長者書之較漢代它碑其式稍異

案頌額確有惠安西表四篆字五瑞圖卽在君晉
兩行之前圖下尙有題名三行云上官掾上祿上
官正字君選□□□□上祿楊嗣字文明□□□
□下辨李京字長都凡三十三字刻在山石轉角
處下臨溪潭未易拓取故收藏家往往無全本也
原書云此碑自建寧至今幾二千季余以乾隆
初上數至漢靈帝建寧四季實止一千四百六十
六季吳蓋未之攷尔

漢卽閣頌

建寧五季

析里橋卽閣頌

隸額

惟斯析里霞漢之右溪源漂疾橫柱于道涉秋霖漉盆
溢□漏濤波滂沛激揚絕道漢水送讓稽滯商旅路當
二州經用惻沮沮縣士民或給州府休謁往還恒失日
晷行理咨嗟郡縣所苦斯谿既然卽閣尤甚緣崖鑿石
處隱定柱臨淵長淵三百餘丈接木相連踈爲萬柱過
者慄慄載乘爲下常車迎布歲數千兩遭遇隕納人物
俱陷沈沒洪淵酷烈爲禍自古迄今莫不創楚於是
大守漢陽阿陽李君諱翕字伯都以建寧三季二月辛
巳到官思惟惠利有以綏濟間此爲難其日久矣嘉念

高帝之開石門元功不朽乃俾衡官掾下辨仇審改解
 危殆即便求隱析里大橋於今乃造拔致致堅□□互
 巧雖昔魯班亦莫健象又醉散關之漸潔從朝陽之平
 燧滅西□□高閣就安寧之石道禹導沅河以靖四海
 經記厥績艾康萬里臣□□勒石永後乃作頌曰
 □□□□降茲惠君克明俊德允武允文躬儉尚約化
 流若神跋岷如□□□平均精通皓穹三納符銀所歷
 垂勳香風有隣仍致瑞應豐稔□□□□樂行人夷
 欣慕君靡已乃詠新詩

□□□□子以兌之閒高山崔隗子水流蕩蕩地既培
 确子與窠為隣□□□□□□吹析分或共緒業子至

子困負危危累卯子聖朝閱憐毳艾究□子勇□□□
 □□救傾子全育□遺劬勞日稷子惟惠勤勤黃郤朱
 龔子蓋不□□□□充羸子百姓歡欣僉曰太平子文

翁復存

右漢析里橋郿閣頌金石文字記云今重刻在略陽
 縣字畫醜惡絕無古意正此本也較隸釋所錄益多
 殘缺又少建寧五□□月十八日癸□一行又時衡
 官□□□仇審字孔信一行從史位□□□字漢
 德為此頌故吏下辨□□□子長書此頌時石師□
 □□□字威明三行漢碑多不著書纂人唯此碑有
 之而兩人姓名皆以僅有字存乃此本又復不具亦

可惜也故備著之石墨鐫華述馬伯循之言以此為
 蔡邕書當亦未見後數行耳 改解危殆即便求隱
 隱即穩字說文穩安也从隱省古人通用安隱 集
 古錄云經紀厥績今碑乃是厥績揆諸文理則績為
 長疑重刻時以字形相近誤摹也

漢司隸校尉魯峻碑 熹平二年

隸額

漢故司隸校尉忠惠父魯君碑 隸額
 君諱峻□□巖山陽昌邑人其先周文公之碩胄□□
 伯禽之懿緒□載于祖考□銘也君則臨營謁者之孫
 脩□令之子體純齎之□□仁義之操治魯詩兼通顏
 □□秋博覽羣書無□□琴學為侯宗行為主表□□

始住佐職牧守敬恪恭儉州□歸稱舉孝廉除郎中謁
 者河內大守丞喪父如禮□司徒府□高第侍御史東
 郡填止令視事四季比縱豹產化行如流遷九五大守
 □殘酷之刑行循吏之道統政□□若清□有黃□
 名信臣在穎南之歌□公事□官休神□逝未□一基
 為司空王暢所舉徵拜議郎□尉長史御史中丞延熹
 七□二月丁卯拜司□□尉董督京□掌察羣寮蠲網
 舉大權然疏發不為小威□□仁弼中獨斷□□
 節案奏□公彈紕五卿等夏祗肅佞穢者遠遭母憂自
 乞□□郎服竟□拜屯騎校□□病□位守疏廣止足
 之計□於陵灌園之契閉門靜□□□自娛年六十二

熹平元年辛酉卒明季四月庚子葬於門生
 南□□沛國丁宜魏郡馬萌勃□□圖任城吳盛陳留
 誠屯東郡夏侯國□三百廿人□□左管游夏之徒□
 □宣尼君事帝則忠臨民則惠乃昭□神明謚君曰忠
 惠父□□不才弱冠而孤承堂弗□所□□何悲蓼叢
 之不報痛吳□之靡嘉頌企齊紀□□號蒼刊石敘哀
 □□□

巖巖山岳礪落彰較棠棠忠惠令德孔爍命□時生雅
 度因綽允文允武厥姿□□內懷溫潤外撤強慮督司
 京師蘇然清邈當□緄職為國之權匪究南山遐邇□
 惻凡百君子欽謚嘉□永傳垂齡喚矣昉昉

右漢司隸校尉魯峻碑今在濟寧州儒學較隸釋所
 錄損六十餘字唯隸額十二字尚全濟寧儒學列漢
 碑五左二右三北海相景君郎中鄭固尉氏令鄭君
 執金吾丞丞榮與此碑是也峻墓本在金鄉墓側有
 碑又有石祠四壁刻古聖賢畫象洪氏隸續載之今
 石祠畫象久矣不存其碑幸與至學舍是以僅存不
 毀耳

碑陰

故吏河內夏管懿勇遠千
 故吏九沅壽春陳龔伯麟五百
 故吏九沅壽春任琪孝長五百

故吏東郡頓丘許踰伯過五百

門生沛國譙丁直景榮千

門生勃海高成呂圖世階千

門生東郡濮陽殷敦登高千

門生汝南名陵干商朝公五百

門生南陽新野魏顥文臺五百

門生平原股路龍顯公五百

門生平原西平昌王瑞子行五百

門生陳留尉氏胡嵩永高五百

門生陳留尉氏胡昱仲表五百

門生濟陰定陶□真子然五百

門生任城樊兒雄大平五百

門生平原樂陵路福世輔三百

門生魏郡斥丘李牧君伯三百

門生魏郡繁陽王輔子助三百

門生任城任城周普妙高三百

門生任城任城吳盛子興三百

門生勃海重合梁榕材節三百

門生河東蒲反李□□時三百

門生河東蒲反陽成□文智三百

門生汝南汝陽鄭立□節三百

門生東郡□邑□□子松二百

門生東郡博平孫謙□□二百

門生東郡樂平邢顥□□二百

門生東郡樂平邢季□□二百

門生魏郡內黃馬萌子□□二百

門生魏郡犁陽王□少□二百

門生汝南潁強尹稜□□二百

門生汝南潁強尹顥□□二百

門生勃海南皮劉扶節□□□

門生勃海南皮劉盛興□□□

門生河間阜成東鄉晨子□□百

門生河間阜成東鄉恭公□□二百

門生平原西平昌劉本景□□□

門生平原股張謙伯讓二百

門生陳留尉氏夏統子思二百

門生濟陰乘氏許仁伯德二百

門生濟陰離狐周維元興二百

義士梁國寧陵□強強良二百

右漢魯峻碑陰其載在隸續者與此不同蓋洪氏誤

以它碑之陰為此碑陰也隸辨云凡三列下一列漫

滅存者二列每列得二十一人前有故吏四人餘稱

門生最後一人稱義士凡四十二人金齷琳琅云此

碑歐陽公趙明誠皆失收錄至洪丞相隸釋于漢碑

三·六十五
金石錄卷八
按羅始盡亦復遺焉余家此碑不特人間少有且文字麤完可讀惜不令三公見之今取石本校都公所錄都本少八人其中誤釋者數十字又都本以爲殘缺而今本尙完好可識者十餘字蓋都公于分隸非其所習又或所見本不清遂據以爲定介

案陰止二列四十二人下半實無一字並非漫滅南原所云非是

漢元儒先生婁壽碑 熹平三季

園儒婁先生碑 篆額

先生諱壽字元考南陽隆人也曾祖父攸春秋以大夫侍講至五官中郎將祖父大常博士徵朱討司馬親父

安貧守賤不可榮以祿先生童孩多奇岐嶷有志挽髮傳業好學不厭不攸廉隅不飭小行溫然而恭慨然而義善與人交久而能敬榮且溺之耦耕甘山林之杳藹遁世無悶恬供淨漠孱夷衡門下學上達有朋自遠冕紳莘莘朝夕講習樂以忘憂郡縣禮請終不回顧高位厚祿固不動心麓絺大布之衣糲糒蔬菜之食蓬戶芻宇棧樞覽牖樂天知命權乎其不可拔也是以守道識真之士高尚其事鄉邨州鄰見親跋懷年七十有八熹平三季正月甲子不祿國人乃相與論熹處謚刻石他銘其詞曰

皇矣先生裒惠惟明優於春秋元嚳有成知賤爲賢與

世無爭彊洩衡門禮義滋醇寤下不苟知我者天身歿
殷鬯千載他珍絲之日月與金石存

右漢元儒先生婁壽碑完好無一字剝剝真漢刻之
僅存者隸釋州鄰下缺一字此本乃是見字或當時
偶缺此字耳此碑自歐陽公遷立于乾德縣之敕書
樓下于今越六百餘季碑石不知在否而拓本之流
傳人間者甚少竹垞先生嘗跋吳中齊女門顧氏所
藏不全本溪以老季得見為幸使其觀此當不知如
何歎賞矣 此碑兩攸字義皆作修書朱爵為朱尉
皆省文也又以且溺為沮溺潺湲為栖遲疑當時經
師所傳其不同有如此者

漢間熹長韓仁碑 熹平四季

漢循吏故間熹長韓仁銘 篆額

熹平四季十一月甲子朔廿二日 西司繇 河南尹

校尉空闔典統非 素無績勳 善 仁前左間熹經

國召禮刑政得中有子產君 尉表上遷槐里令除書

未到流牽掙命匪身為 祀則祀之玉制之禮也書到

郡遣吏召少宰祠 行勸厲清惠召恮其美豎石

訖成表言如律 十一月廿二日 西河南尹君

丞熹謂京寫 墳道頭訖成表言會月廿日如律

令

右漢間熹長韓仁碑篆額十字二行碑八行行存十

八九字下截不全今在河南滎陽縣儀門金哀宗正大五季滎陽令李天翼發地得之後有翰林學士趙秉文及趙郡李獻能二跋并題重立歲月于後按額題韓仁銘而碑中絕無銘詞一字雖下半不全狀其存者可覆視也略言仁在聞熹刑政得中上官表遷槐里令除書未到而卒及除書到日郡遣吏以少牢祠之而又豎石成表以旌其美云云此碑金正大中卽已出土而明時如都元敬趙子函本朝如顧亭林顧南原輩按輯古碑始徧此碑近在京索閒絕無知之者至劉太乙續金石錄始載之近始徧鬻于世矣漢書地理志續漢書郡國志皆作聞喜劉寬碑

陰河東郡聞喜作熹與此碑同史記周本紀無不欣熹漢書郊祀志而天子心獨熹師古曰熹讀曰喜急就章勉力務之必有喜皇象碑本作熹二字音義同流牽掙命卽不幸短命也郝閣頌莫不創楚不作系此又因系而變之與流字無異說文幸字本作夊其大下箸羊者音達漢隸多借用之曹全碑不牽早世是也廣韻掙同短逢盛碑命有悠掙郭究碑不牽掙祚皆同碑末云如律令此三字蓋漢人公移中語史記儒林傳敘述所載詔書前漢書朱博傳博口占檄文陳琳爲袁紹檄豫州文東觀餘論所載漢破羌檄皆有此三字但見之碑刻者絕少

四·二十四
金石存卷八
官至從事而卒疑其額必題漢故某州從事尹府君
銘十字今其上八字破壞不存故搨工但傳其下二
字也文字完好簡質可誦且隸法淳古筆畫閒猶存
篆籀遺意亦漢刻中上品 金石文字記曰鉅鹿之
鹿不當从金按廣韻云鉅鉅郡名漢書只作鹿是古
字固有从金者又云福乃副字之誤按碑本作福从
衣不从示廣韻云福衣一福也今作副是福乃副之
別體非誤文也亭林親按廣韻顧于二字失之

案額題漢故豫州從事尹君之銘十字見元鄆陵
縣儒學教諭李警題記知元時額尚未泐鉅鹿作
鉅玉篇云俗字吳云古字固有从金者非也福卽

副之正字顏師古匡謬正俗論之甚詳史記龜策
列傳邦福重寶魏上尊號奏从福四海欣戴之望
副丛作福後人傳寫譌謬衣轉爲示概讀爲方六
切反以副爲正字福爲別體失之遠矣



金石存卷九

淮安吳玉搢纂

間妙香室校本

隸存四

漢校官碑

光和四年

校官出碑

隸額

蓋漢三百八十有七載□□□于□□□□銘功著斯
金石界誄曰

溧陽長潘君諱軋字元卓陳國長平人蓋楚大傳潘崇
之末緒也君稟資南□之禔有天□德之絕搯髭髯克
敵□學典謨祖講詩易剖演與藝外覽百家眾雋挈聖
抱不測之謀秉高世之不屈私黜公即仕佐上郡位既

三·七十三
重孔戈止剋著疾惡義形認風征暴執訊獲首除曲阿尉
禽姦戔猾愾息善歡履菰竹之廡蹈公儀之絜察廉除
茲初廡清肅賤仁義之風□□□之迹番化放虐岐周
流愛雙牽□□親馭寶晉進直邊慝帑政優優令儀令
色獄驟呼噬之寃櫛驟叩匈之結矜孤頤老表孝貞節
重義輕利制戶六百省驟正繇不賣自畢百姓心歡官
不共實於是遠人聆聲景附樂受一厘既來安之復及
三季惟泮宮之教反共俗之禮構脩學官宗懿招德既
安且寧干侯用張匱豆用敝發被有的雅窗□閑鍾磬
縣矣弓音樂焉乃他叙曰
翼翼聖慈惠我輦蒸貽我潘君平茲溧陽彬文剋戈扶

弱抑彊□刈馘雄流惡顯忠咨疑元老師馭他朋脩學
童冠琢質繡章寔天生德有漢將興尙且在管我君存
今即此龜艾遂尹三梁永世支百民人所彰子子孫孫
卑尔熾昌

丞沛國銓趙勳字萼伯

左尉河內汲董竝字公房

右尉豫章南昌程陽字孝遂

時將佐吏名

戶曹掾楊淮

議曹掾李就

議曹掾梅檜

戶曹史賀□

從掾位侯祖

主記史吳超

門下史吳訓

門下史吳翔

門下史時球

光和四年十月己丑朔廿一日己酉造

右漢溧陽長潘君校官碑隸額一行今在溧水縣學
隸釋云潘君自曲阿尉來宰溧陽興學宮講賓射碑
頌所由作也碑自紹興十一季溧水尉喻仲遠得之
固城湖瀕置于官舍其後洪丞相錄入隸釋元至順

閒文學掾單禧又爲釋文視洪氏尤爲詳盡狀剝泐
已甚字但隱隱可見非就釋文審視之幾莫能辨其
筆畫矣江南絕少古碑唯此乃爲漢人遺刻識者尙
珍愛之 碑中用字類多假借如以絜爲潔干爲豻
犖爲黎卑爲俾洪氏釋之良是至云剗眉其刀賢太
其貝則有不盡狀者按說文彣傷也六書略云擣傷
也禽彣彣猶卽用本字于義固通不事借彣爲剗也
說文馭堅也古文以爲賢字袁良碑優馭之寵與此
碑正同蓋用古文亦非故太其貝 昌黎詩押玲瓏
爲瓏玲參差爲差參後人但以用之自公不設致疑
實亦不知于古何本碑云惠我黎蒸亦倒用蒸黎字

以押韻蓋古自有其法今人不知耳 漢廣漢屬國
侯李翊碑銘云比列陵於隸釋云似倒用於陵以稱
韻也亦與此用黎蒸同 左傳楚商臣立以潘崇為
太師此作太傅恐誤 王貽上居易錄云韓退之詩
多倒用成字蓋本諸三百孫季昭亦兒編所拈如中
林中谷中河中路中田家室裳衣衡縱稷黍琴鼓
鐘斯螽下上羊牛甥舅孫子女士京周家邦鼎息
偃之類皆是古人倒用成語以就韻如此之多但出
自今人手則斷斷不可介

漢白石神君碑

光和六年

白石神君碑

篆額

蓋間經國序民莫急於禮禮有五經其重於祭祭有二
義或祈或款款以章德祈以弭咎古先哲王顓帝禋宗
望于山川禘于羣神建立北域脩設壇屏所以昭孝息
民輯寧上下也白石神君居九山之數祭三條之壹兼
將軍之號秉斧鉞之威體連封龍氣通北嶽幽讚天地
長育萬物觸石而出膚才而合不終朝而澍雨沾洽前
後國縣屢有祈請指日刻期應時有驗猶自抱損不求
禮秩縣果有六名山三公封龍靈山先得法食去光和
四年三公守民蓋高等始為無極山詣大常求法食相
縣以白石神君道德灼然乃具載本末上尚書求依無
極為比即聽許於是遂開拓舊北改立殿堂營宇既定

禮秩有常縣出經用備其犧牲奉其珪璧絜其粢盛旨
 酒欣欣燔炙芬芬敬恭明祀降福孔殷故天無佞陰地
 無蠱陽水無沉氣火無灾燁時無逆數物無罔生用能
 光遠宣朗顯融昭明丰穀歲熟百姓豐盈粟什五錢國
 果安寧尔乃陟景山登崢嶸采园石勒功名其辭曰
 巖巖白石峻極太清皓皓素質因體為名惟山降神旣
 士挺生濟濟俊乂朝野充盈灾罔不起五穀熟成乃依
 無極聖朝見聽遂興靈宮干山之陽營宇之制是度是
 量卜云其吉終然允臧匪奢匪儉率由舊章華殿清閑
 肅雍顯相园圖靈像穆穆皇皇四時禋祀不愆不忘擇
 其令辰進其馨香犧牲玉帛黍稷稻粮神降嘉祉萬壽

無量子子孫孫永永蕃昌

先和六丰常山相南陽馮巡字季祖元氏令京北新豐
 王翊字元輔長史穎川申屠熊丞河南李邵左尉上郡
 白土樊瑋祠祀掾吳宜史解徹石師王明

燕元璽三季正月十日主簿程□□門傳白石將
 軍教□祠今日為火所燒

右漢白石神君碑在無極縣白石山名新得泐會于
 太常故拓廟建碑以頌其績隸釋云此碑布置整齊
 略無纖毫漢人氣骨雖有先和紀季或後人用舊文
 再刻者今按常山相馮巡元氏令王翊等題名之後
 仍有隸字二行其一云燕元璽三季正月十日主簿

某人刻字此碑重刻本有可攷洪公所收本偶無此字故但以書泐定其時代狀亦精于鑒矣又余細讀此碑并以三公無極二碑相比技恐此敘銘亦非漢人所作蓋其體輕而味淺亦無漢人蒼厚之致意原碑已毀此亦元璽間人摹古為之者非特其字為重刻也狀魏晉以後隸泐日壞此慕容時所刻猶能整齊如此不得不歎為司隸衣冠矣 漢軹家釜斗字作升金石文字記云升音陞升音斗晉人以其文易混故改升為斗碑云季穀歲孰百姓豐盈粟升五錢此字當是斗字碑乃作升此筆畫小譌書鑄之過若粟升五錢又何足稱頌乎黍稷稻稂乃借稂莠之稂

為梁也今本隸釋或書作糧非是

案碑實漢時原刻末列元璽一行

吳云二行非

乃後人

題字非重立歲月也此行主簿下原書作□程刻字四字以此定為重刻今驗石本程上無缺文下亦不類刻字二字形闕疑可也粟升之升石本亦不譌升糧字實从米旁亦不借稂字畫甚明申屠熊下即接丞河南李邵原書沿洪氏之誤譌增缺文三字碑在今元氏縣開化寺中此云在無極縣亦誤

碑陰

主簿□音射道

案原書音上譌缺二字

主薄郝秀高

主薄郝明孔休

主薄郝尚文休

主薄杜斐園達

主薄張淵孔先

主薄馬靖文

主薄王睿元先

主薄韓南儒伯

主薄□□文業

主薄□觀承瓘

祭酒□秋孝仁

主薄李斐村宗

祭酒范晔孔周

主薄□當季元

祭酒張廣德林

主薄郗志元恪

祭酒郭稚子碧

主薄張斐休武

祭酒郭挈仲業

祭酒陳光長林

都督趙略孔達

主薄□由季儒

勞城神君錢二萬

李女神義錢三萬

孺石神君義錢二萬補字

驛神君義錢一萬案原書驛作祥又以上文萬字屬之此處云萬祥神君姑譌

右漢白石神君碑陰歐陽洪趙皆所未見也凡主簿十六人祭酒六人都督一人意非官府僚屬乃巫覡所自相署之號曰隸續有米巫祭酒張替碑亦狀蓋當時習俗有此名目也又有勞城神君李女神孺石神君萬祥神君等稱亦一時羣巫所立諸祠祀鬼神之名與白石不相統攝而出資以助其役故謂之義錢勞字咥字字書不載疑勞卽務字之變眉而咥乃

星字移日于彗耳

漢郃陽令瞽全碑中平二季

君諱全字景完敦煌效穀人也其先蓋周之胄也王秉乾之機崩伐殷商既定爾勲福祿攸同封弟叔振鐸于曹國回氏焉秦漢之際瞽參夾輔王室世宗廓土序竟子孫遷于雒州之郊分止右扶風或在安定或靈武都或居隴西或家敦煌枝分葉布所在為雄君高祖父敬舉孝廉忝威長史巴郡胸忍令張掖居延都尉曾祖父述孝廉謁者金城長史夏陽令蜀郡西部都尉祖父鳳孝廉張掖屬國都尉丞右扶風陰麋侯相金城西部都尉北地太守父瑋少貫名州郡不牽早世是以位不副

德君童齒好學甄極斐緯無文不綜賢孝之性根生於心收養季祖母供事繼母先意承志存亡之敬禮無遺闕是以鄉人爲之誥曰重親致歡瞽景完易世載德不隕其名及其蒞政清擬夷齊直慕史魚歷郡右臧上計掾史仍辟涼州常爲治中別駕紀細萬里朱紫不謀出與諸郡彈枉糾邪貪暴洗心同僚服德遠近憚威建寧二丰舉孝廉除郎中拜西域戍部司馬時疏勒國王和德殺父篡位不供職貢君與帥征討有亮臙之仁分醪之惠攻城堅戰謀若涌泉威牟諸賁和德面縛歸死還帥振旅諸國禮遺且二百萬悉以薄官遷右扶風槐里令遭同產弟憂棄官續遇禁囚潛隱家巷七丰光和六

丰復舉孝廉七丰三月除郎中拜酒泉祿福長詎賊張角起兵幽冀兗豫荆楊同時並動而縣民郭家等復造逆亂燔燒城寺萬民騷擾人裹不安三郡告急羽檄仍至于時聖主諮諏羣僚咸曰君哉轉拜邵陽令收合餘燼芟夷殘迸絕其本相遂訪故老商暈傷艾王敞王畢等恤民之要存慰高丰撫育解寘以家錢糴米粟賜瘠盲大女桃斐等合七首藥神明膏親至離亭部吏王宰程橫等賤與有疾者咸蒙療慢惠政之流甚於置郵百姓緼負反者如雲戢治廡屋市肆列陳風雨時節歲獲豐丰農夫織婦百互戴恩縣前以河平元丰遭白弟台水灾害追於戊亥之間興造城郭是後舊姓及膺身之

士官位不登君乃閔縉紳之徒不濟開南寺門承望峯
 巒鄉明而治庶使學者李儒藥規程寅等各獲人爵之
 報廓廣聽事官舍廷曹廊閣升降揖讓朝覲之階費不
 出民役不干時門下掾王敞錄事掾王畢主簿王歷戶
 曹掾秦尚功曹史王頴等嘉慕奚斯芹甫之美乃共刊
 石紀功其辭曰

懿明后德義章貢王庭征鬼方威布烈安殊荒還陟旅
 臨槐里感孔懷赴芭紀嗟送賊燔城市特受命理殘圯
 芟不臣寧黔首繕官寺開南門闕嵯峨望峯山鄉明治
 惠沾渥吏樂政民給足君高升極鼎足

中平二年十月丙辰造

右漢郃陽令曹全碑安世鳳墨林使事云此發自我
 師葉龍潭少保葉粵人以名侍御謚郃陽丞鈕玉樵
 觚賸云碑出于郃陽之莘里邨初出土時止缺一因
 字今移置學宮搨者衆多亦日就剝剝矣銘詞後空
 二三行許狀後書季月一行又復書于行末今搨工
 惜紙別搨季月一行不知當置何所余見舊搨未斷
 全本乃知其式如是 銘云吏樂政民給足君高升
 極鼎足安世鳳云用二足字相連明手足之足與滿
 足之足可各押也余謂二足字本非一義其可連押
 何疑昌黎詩之重用韻亦即本此更攷古人有連用
 韻而并非異義者如詩雲漢三章曰周餘黎民靡有

可遺吳天上帝則不我遺兩遺字連押魚仲卿妻詩
 此嬪無禮節舉動自專由吾意久懷忿汝豈得自由
 兩由字連押亦用韻一奇例也前人從未有論及者
 姑識于此 甘陵南北部之禍特起于天下規矩房
 伯彥因師獲印周仲進二語耳鄉人之稱全者曰重
 親致歡曹景完與甘陵之諺如出一口而全亦身罹
 黨禁則當時之以標榜獲累者多矣此三君八顧之
 目所以為多事也 陽曲傅山先生云謝承後漢書
 余家有之明永樂間揚州刊本初邵陽曹全碑出曾
 以謝書攷證多所裨益大勝范書以寇亂亡失矣今
 碑中如攻西域罹黨禍及戊部司馬之類皆與范書

不合安得謝書一印證之

碑陰

處士河東皮氏岐茂孝才二百

此行超上一列

縣三老商量伯祺五百

鄉三老司馬集仲裳五百

徵博士李儒文優五百

故門下祭酒姚之辛卿五百

故門下掾王敞元方千

故門下議掾王畢世異千

故督郵李譚伯嗣五百

故督郵楊動子豪千

二六
金石錄卷九
故將軍令史董溥建禮三百

故郡曹史守丞馬訪子謀

故郡曹史守丞楊榮長孳

故鄉畫夫曷駿安雲

故功曹任平子流

故功曹曹七定吉

故功曹王河孔篷

故功曹王吉子儁

故功曹王時孔良五百

故功曹王獻子上

故功曹秦尚孔都二

故功曹王衡道興

故功曹楊休當女五百

故功曹王衍文珪

故功曹秦杼漢都千

璉

故功曹王詡子園

故功曹杜安元進

右弟一層

元

孔宣

孔字據舊
拓本補

萌仲謀

金石錄卷九 隸存四

一五十一
金石錄卷九
故郵書掾姚閔升臺

故市掾王尊文憲

故市掾杜靖彥淵

故主簿鄧化孔彥

故門下賤曹王翊長河

右第二層

故市掾王理建和

故市掾戍播曷舉

故市掾楊則孔則

故市掾程璜孔休

故市掾扈安子安千

故市掾高頁顯和千

故市掾王瓊季晦

故門下史秦並靜先

右第三層右

起

故賤曹史王授文博

故金曹史精暘文亮

故集曹史柯相文舉千

故賤曹史趙福文祉

故法曹史王啟文國

故塞曹史杜留秀始

故塞曹史吳產孔千五百

□□部掾趙炅文高

□□曹史高廉 吉千 案廉下空石無字原書譌作缺文

右第三層左

義士河東安邑劉政元方千

義士兵褒文憲五百

義士潁川臧就元就五百

義士安平祁博季長二百

右第四層

右曹全碑陰凡四列共五十七行內第一層一字者

一行第二層一字者一行二字者一行 原注上一三字今缺

字者一行第三層左一字者一行又第一層故功曹

秦尚孔都下但一二字而無千百之數審視拓本初

無剝泐之迹似當時原未書鐫或有所闕疑故空而

未刻也處士岐茂一行獨超上一列書之蓋尊其人

不使與故吏掾屬伍也

漢蕩陰令張遷碑 中平三季

漢故穀城長蕩陰令張君表頌 篆額

君諱遷字公方踈留已吾人也君出先出自有周周宣

王中興有張仲以孝友為行披覽詩雅煥知其祖高帝

龍興有張良善用蕭蒞在帷幕出內決勝負千里出外

析珪於留文景出間有張釋出建忠弼出謨帝遊上林

問禽狎所有苑令不對更問嗇夫嗇夫事對於是進嗇夫為令令退為嗇夫釋也議為不可苑令有公卿也才嗇夫喋喋小吏非社稷也重上從言孝也時有張騫廣通風俗開定畿寓南苞八蠻西羈六戎北震五狄東勤九夷荒遠既殞各貢所有張是輔漢世載其德爰既且於君蓋其纏縵續戎鴻緒牧守相係不殞高問孝弟於家中謇於朝治京氏多聰麗權略藝於從政少為郡吏隱練職位常在股肱數為從事聲無細聞徵拜中除敵城長螢月也務不閑四門膺正也僚休囚歸賀八月英民不煩於鄉隨就壺落存恤高丰路無拾遺犁種宿豎黃巾初起燒平城市斯縣獨金子賤孔莫其道區別

尚書五教君崇其寬詩云愷悌君隆其恩東里潤色君垂其仁邵伯分陝君懿于棠晉陽珮瑋西門帶弦君也疆素能雙其勛流化八基遷蕩陰令吏民頡頏隨送如雲周公東征西人怨思奚斯讚魯考父頌殿前喆遺芳有功不書後無述焉於是刊石豎表銘勒萬載三代以來雖遠猶近詩云舊國其命惟新

於穆我君既敦既純雪白也性孝友也仁紀行來本蘭生有芬克岐有北綏御有勛利器不覲魚不出淵國也良幹垂愛在民蔽沛棠樹溫溫恭人乾道不繆唯淑是親既多受祉永享南山干祿无彊子子孫孫案此下空一行末有一字剝泐難辨惟中平三丰感在攝提二月震節紀日上旬陽

氣厥朽感思舊君故吏車萌等僉然同聲僨師孫興刊石立表以示後昆共享天祚億載萬年

右漢蕩陰令張遷碑都太僕金龕琳琅始以入錄朕多誤釋孫石雲跋是碑辨之詳矣朕以八基為子賤以下八事則未知基與期通八基謂八季也金石文字記疑爰既且於君為暨字之誤極為有理但任書者不應疏忽若此遂譌一為兩石雲謂既且當作既祖朕于義亦難通 碑云張是輔漢是即氏字韓勅後碑於是作於氏漢書地里志云至元孫氏為莊公師古曰氏與是同三國志吳有氏儀孔融嘲之曰氏乃民無上儀遂改姓是 藝於從政諸家皆作從岐

非也此蓋用魯論求也藝於從政乎何有句政字左畔微有損壞遂與岐字疑似竟釋作岐于義不通韓非子觀行篇云西門豹之性急故佩韋以緩已董安于之心緩故佩弦以自急碑云晉陽佩瑋西門帶弦顛倒用之豈別有傳耶抑筆誤耶 碑額題為表頌銘文子子孫孫句之下方有一字上半不全下截似是表字豈即所謂表頌之意耶隸釋所載廣漢王君治石路碑亦以一表字標其首但彼書于前而此書于後則又有不同者

碑陰

故安國長車村珍錢五百

案珍原書譌珍即珍字

三十一
金石錄卷九
故□□□□□□錢五百

故從事韋元暉錢五百

故從事韋元景錢五百

故從事韋世節錢五百

故守令韋材遠錢五百

故守令范伯犀

案此下石本無字下故吏韋德榮韋章騶叔義三行並同原書並缺三字誤

故吏韋金石錢二□

故督郵范齊公錢五百

故吏范文宗錢千

故吏范世節錢八百

故吏韋府卿錢七百

故吏韋季孝錢七百

韋原書
譌范

故吏韋伯臺錢八百

故吏范德寶錢八百

故吏韋公儁錢五百

故吏汜定國錢七百

故吏韋閏德錢五百

故吏孫升高錢五百

故吏韋公連錢七百

故吏韋排山錢四百

故吏范巨錢四百

故吏韋義才錢四百

故吏韋輔節錢四百

故吏韋元緒錢四百

故吏韋容人錢四百

故從事原宣德錢三百

故吏韋公明錢三百

故吏范成錢三百

故吏韋輔世錢三百

故吏范國方錢三百

故吏韋伯善錢三百

故吏汜奉祖錢三百

故吏韋德榮

故吏范利德錢三百

故吏韋忒章

案此行原書譌衍錢字又譌增缺文二字

故吏駙材義

故吏韋宣錢三百

故吏韋孟光錢五百

故吏韋孟平錢五百

故守令韋元考錢五百

右漢張遷碑陰凡四十一人一人姓名不可見前碑

云故吏韋萌等刊石立表此陰韋姓二十五人

案弟二行

據舊拓本亦姓韋凡而獨無萌狀二名者多蓋皆書

其字也唯范巨范成韋宣三人則又名而不字隸釋

三·八十四
金石錄卷九
云漢人題名必書名字否則各有說也楊震碑陰孫定博諸人不名者非其門生也逢盛碑陰崔孟祖數人不名者乃其父黨也題名于韓勅碑左凡八人魯之二庶一傅不名者別守相之尊也張納碑陰主簿白文以下不稱字者示其卑于從事李元也史晨後碑五官掾孔暘六人不稱字者亦示其卑于長史李謙也洪公之言其詳盡如此獨此則同是故吏而或名或字有異又不知當有何說以定之也 汜字音梵字本作汜與汜字音杞者形聲各別皇甫氏曰本凡氏秦亂避地于汜水改姓汜漢有汜勝之箸書十八篇言種植事碑有汜姓二人非范之省文也又其

書作汜與音杞之字無別遂讀作杞亦非

漢尉氏令鄭季宣碑陰

尉氏故吏處士人名

原注八篆字橫列于上

議郎安眾

下缺

故孟津都尉□處元□

關內侯張□□詩

故方城長毛□□□

案毛下一字原書作武箸錄家亦作良驗石本兩字形於非故缺之

故孝□□□眈□虞

故從事□□□堂□康

故從事□□□伯

字補

故從事

下缺

從事楊光子□

故從事宗□仲□

故五官掾

下缺

故五官掾邯鄲□□□

故守令呂嵩仲□

故□□任□□

故督郵邯鄲敬

下缺

故督□邯鄲璣元珪今司空掾

原注下四字略小

處□□□□德源

處主□謙□直

原書譌真

處主□□□德

處主□□子朝

右漢尉氏令鄭季宣碑陰今在濟寧州儒學前碑殘

缺僅存數字碑陰尚完故易而向外隸續云以八篆

字橫刻其上曰尉氏故吏處士人名上下凡四橫最

後空十餘行有一行刻字似是造碑者所識今碑已

半羶入土止存上一列二十人其存字視隸續所錄

益剝不全吾淮張處士力臣嘗作濟寧州儒學碑

攷云篆文八大字一筆不缺圓竅下列人名二十行

得一百六十九字今依隸續所錄并其缺者數之得

字一百二十九處士後洪氏幾五百季不應得洪氏

所無至四十字之多疑六十乃二十之譌也

四·五
漢征西大將軍楊瑾殘碑

上山君平下明易下曰四下史下官下有九下

右殘碑所存者才十餘字耳官闕姓氏歲月一無可見錢唐金壽門客游淮陰出以示余背題漢征西大將軍楊瑾殘碑字既其隸法則是熹平建寧間人遺意但不知何所據而定爲楊君碑也歐趙洪婁諸書皆無此碑唯金石略及天下碑錄載其目碑錄云在尉氏縣三亭鄉路邨今太尉氏遼遠亦不知果有此碑否朕以漢隸難得隻字之存亦可寶惜聊錄之卷中以當安石碎金可也

漢魯相謁孔廟殘碑

右孔廟殘碑上下已極磨滅不復可識而字畫隱隱是漢人隸法攷之隸釋始得其略云右無名碑首尾上下皆碎裂餘石纔有數行詳其詞非是諛墓中人者亦非頌德政紀工役之事前有帝命茲授俾相考魯吉月令辰欽謁十四字又云春炁烝嘗幾以獲福蓋是謁廟之文後有訪之儒彥稽之典謨聖德設章及管在周人之句皆是鋪張孔子也中云覽鴻基之曠蕩觀林木之窮深似指孔林而言趙氏箸錄有魯相謁孔子碑而無其說疑卽此也末有叔德仲雅題名皆東海人而亾其姓今所存益不及此唯幾以獲福及管在周人句明白可讀而已朕以漢人遺刻不

忍棄也孔廟諸漢碑余多得之且得見前人所未見如文禮碑不為不幸矣獨韓勅後碑四十季前鄭汝器尚親在孔廟搨以遺竹垞先生者今并碑石無有所不可解若此獲之則無遺美矣

案牛運震金石圖題為孔宏碑未知所據乾隆時碑經好古者洗滌文存六十六字并得碑側唐人題名四行

漢題比干墓殘碑

殷比干皆

右比干墓殘碑水經注云朝歌縣毋墜有殷大夫比干冢前有石銘隸題云殷大夫比干之墓所記唯此

今已中折不知誰所誌也 此字舊傳為孔子書石公弼云隸始于秦非孔子書必矣字畫勁古當是漢人書余按字法雖非篆體狀亦不類隸字批法疑先秦及西漢人書也明萬厯間彰德推官張應奎跋此碑以為非聖人不能果何所見耶

漢碑陰題名 無季月

□□曹原書雷□薛補字夏侯□

□□□□蔣原書府□此下原書譌行缺文二字

功曹史薛補四字曹嘉補字

中部督部蕃郭補四字尚

南部督部補二字文陽侯脩補字

北部督郵魯三字王壽

守此與下二行卿文陽張耽原書全缺

左戶曹史魯孔元

右戶曹史薛

史

曹史此與下一行

奏曹史卞

辭曹二字史文陽二字

曹史言仲

中賊曹史暉荀瑤三字

左賊曹史

右賊曹史韓

左決曹史字虞

右決曹史此下原書譌文陽馬字

曹史

曹

右漢碑陰題名上下兩列上存九行下存十行其碑

圭首有穿正面已無一字不知為何碑之陰狀知其

為漢者以字畫及碑式定之也此碑在曲阜顏懋倫

家顏氏掘地得之余戊辰二月詣曲阜謁孔子廟因

託友人任城劉雨亭索得此本乍視幾無一字可識

注目凝視狀後筆畫可辨狀皴裂過甚無一句成讀

矣碑上破碎處隱隱如竹葉文俗呼為竹葉碑 牛
 氏釋下列第七八兩行上四字為左史曹史右史曹
 史按兩漢諸曹無史曹而有決曹細審碑字雖極曖
 昧狀是決字因史與史形近故誤不知古無史曹也
 案兩漢金石記載陳以綱跋云攷漢人碑陰修廟
 者有出泉數墓碣則加門生故吏字且貫櫟它郡
 唯紀本郡長官功德則不狀張納馮煥二碑其例
 也此碑如中南北督郵奏曹辭曹中左右賊曹左
 右決曹諸史不出屬吏魯薛蕃文陽卞不出魯國
 而書泐與張納馮煥二碑不異當是魯國長官德
 政碑也

金石存卷九

七千八百四十五字



